



একমেবাদ্বিতীয়ং

দশম কল্প

তৃতীয় ভাগ

আঘাট ব্রাহ্ম সংঘ ৫২

৪৫৫ নংখ্যা

শক ১৮০৩

তত্ত্বাবোধিনী পত্রিকা

সমস্তব্রাহ্মণৈর্দেবময়সীমান্ত্যনু ক্রিষ্যনাসীন্নদ্বিৎ সর্ষমহজত। নদেব নিত্যশ্রাধমন্ন শিবং স্তনকদ্রিরবয়বমেকমেবাদ্বিতীয়ম
সর্ষথ্যপি সর্ষনিবন্দু সর্ষাপ্রথমসর্ষবিত, সর্ষশক্তিমহমুৎ পূর্ণমপতিমমিতি। একস্য তস্মৈবীপাসনয়া
যাবিকর্মৈকিক্রম শ্রমম্মননি। নশিন্, পীনিমস্য সিয়কাষ্মসাধনত্ব নহুপাসনমিব।

ছান্দোগ্যোপনিষৎ ।

তৃতীয় প্রপাঠকে পঞ্চদশোধ্যায়ঃ ।

অন্তরীক্ষোদরঃ কোশোভূমিবুধো ন জীর্ষ্যতি
দিশোহস্য স্রক্তঘোদ্যোরন্যোত্তরং বিলং স
এষকোশোবসুধানস্তস্মিন্ বিশ্বমিদং শ্রিতং । ১

অন্তরীক্ষমুদরং অন্তঃস্ববিরং যস্য সোহয়ং 'অন্তরী-
ক্ষোদরঃ' 'কোশঃ' কোশইবানেকধর্মসাদৃশ্যাৎ কোশঃ
'ভূমিবুধঃ' ভূমিবুধোমূলং যস্য স ভূমিবুধঃ 'ন জীর্ষ্যতি'
ন বিনশ্যতি ত্রৈলোক্যাত্মকত্বাৎ 'দিশঃ হি অস্য' 'স্রক্ত-
য়ঃ' কোণাঃ 'দৌঃঅস্য' 'উত্তরং' উর্দ্ধং 'বিলং' আবরণং
'সঃ এষঃ' যথোক্তগুণঃ 'কোশঃ' 'বসুধানঃ' বসু ধীয়তেহ
শ্মিন্ প্রাণিনাং কর্মফলাখ্যমতোবসুধানঃ। 'তস্মিন্'
'ইদং বিশ্বং' অন্তর্বিশ্বং সমস্তং প্রাণিকর্মফলং 'শ্রিতং
আশ্রিতং স্থিতমিত্যর্থঃ। ১

অন্তরীক্ষ বাহার উদর, ভূমি বাহার মূল এবং
বাহা জীর্ণ হয় না এমন যে একটি কোশ, দিক্ সকল
তাহার কোণ এবং ত্রৈলোক্য বাহার উপরিস্থ আবরণ
তাহাই এই কর্ম-ফল-প্রদ কোশ ইহাতে সমস্ত বিশ্ব
আশ্রিত হইয়া রহিয়াছে । ১

তস্য প্রাচীদিগ্জুহূর্নাম সহমানা নাম
দক্ষিণা রাজ্ঞী নাম প্রতীচী স্তুভূতা নামোদীচী
তামাং বায়ুর্ক্বৎসঃ স যএতমেবং বায়ুং দিশাং
বৎসংবেদ ন পুত্ররোদং রোদিতি মোহহমে-

তমেবং বায়ুং দিশাং বৎসং বেদ মা পুত্র-
রোদং রুদং । ২

'তস্য' অস্য কোশস্য 'প্রাচী দিক' প্রাগ্গতোভাগঃ
'জুহুঃ' নাম, জুহ্বতি অস্যাং দিশি কশ্মিনঃ। মহত্তেহস্যাং
পাগকর্মফলাপি যমপূর্থাৎ প্রাণিন ইতি 'সহমানা' নাম
দক্ষিণা দিক। তথা 'রাজ্ঞী' নাম প্রতীচী পশ্চিমা দিক
রাজ্ঞী রাজ্ঞা বরণেনাধিষ্ঠিতা সন্ধারাগযোগাৎ। ভূতি-
মস্ত্রীশ্বররূবেদাদিভিরধিষ্ঠিতত্বাৎ 'স্তুভূতা' নাম উ-
দীচী। 'তামাং' দিশাং 'বায়ুর্ক্বৎসঃ' দিগ্জুহ্বাত্যাহারোঃ।
পুরোবাত ইত্যাদি দর্শনীৎ। 'সঃ যঃ' কশ্চিৎ পুত্র-
দীর্ঘজীবিতার্থী 'এবং বায়ুং দিশাং 'বৎসং' অমৃতং 'বেদ'
সঃ 'ন পুত্ররোদং' পুত্রনিমিত্তং রোদনং ন 'রোদিতি,
পুত্র ন স্রিয়তে ইত্যর্থঃ। 'সঃ অহং' পুত্রজীবিতার্থী
'এবং এতং বায়ুং দিশাং বৎসং' 'বেদ' জানে অতঃ
'পুত্ররোদং মা রুদং' পুত্রমরণনিমিত্তং পুত্ররোদোমম
মাতুৎ ইত্যর্থঃ। ২

সেই কোশের পূর্বদিকের নাম জুহু। দক্ষিণ-
দিকের নাম সহমানা। পশ্চিমদিকের নাম রাজ্ঞী
এবং উত্তরদিকের নাম স্তুভূতা। বায়ু এই দিক
সকলের পুত্র। যিনি দিক সকলের পুত্র এই বায়ুকে
জানেন তিনি পুত্রশোক রোদন করেন না। সেই
আমি এই দিক সকলের পুত্র বায়ুকে জানিয়াছি,
আমি যেন পুত্রশোকে রোদন না করি। ২

অরিষ্ঠং কোশং প্রপদ্যেহমুনাহমুনাহমুনা
প্রাণং প্রপদ্যেহমুনাহমুনাহমুনা ভুঃপ্রপদ্যেহ



‘অগ্নিঃ’ অগ্নিঃ অগ্নিঃ ‘অগ্নিঃ’ অগ্নিঃ ‘অগ্নিঃ’ অগ্নিঃ

‘অগ্নিঃ’ অগ্নিঃ ‘কোশঃ’ যথোক্তং ‘প্রপদ্যে’
প্রপদ্যে অগ্নিঃ পুত্রায়ুধে । ‘অগ্নিঃ অগ্নিঃ অগ্নিঃ’ ত্রিগম
গৃহীতি পুত্রস্য । তথা ‘প্রাণঃ প্রপদ্যে অগ্নিঃ অগ্নিঃ
অগ্নিঃ’ ‘ভূঃ প্রপদ্যে অগ্নিঃ অগ্নিঃ অগ্নিঃ’ ‘ভুবঃ
প্রপদ্যে অগ্নিঃ অগ্নিঃ অগ্নিঃ’ ‘স্বঃ প্রপদ্যে অগ্নিঃ
অগ্নিঃ অগ্নিঃ’ নর্কত্র প্রপদ্যেইতি নাম গৃহীতি পুনঃ
পুনঃ । ৩

অগ্নিঃ অগ্নিঃ আদি শরণাপন্ন হই (যে
পুত্রের দীর্ঘায়ু কামনা করিবে তাহার নাম করিয়া)
অগ্নিঃ সহিত অগ্নিঃ সহিত অগ্নিঃ সহিত ।
ভুব লোকের শরণাপন্ন হই অগ্নিঃ সহিত
অগ্নিঃ সহিত অগ্নিঃ সহিত । স্বর্গ লোকের
শরণাপন্ন হই অগ্নিঃ সহিত অগ্নিঃ সহিত অগ্নিঃ
সহিত ।

সমদবোচং প্রাণঃ প্রপদ্যেইতি প্রাণোবা
ইদং সর্কত্র ভূতং যদিদং কিঞ্চ । তমেব
তৎপ্রাপৎসি । ৪

‘সঃ যৎ অবোচং প্রাণঃ প্রপদ্যেইতি’ ‘প্রাণঃ বা
ইদং সর্কত্র ভূতং যদিদং কিঞ্চ’ জগৎ ‘তৎ এব’ ‘তৎ’
ইদং সর্কত্র ‘প্রাপৎসি’ প্রপদ্যেইতি ভুবঃ ॥ ৪

সেই যে আমি বলিলাম প্রাণের শরণাপন্ন হই,
প্রাণই এই ভূত ভৌতিক বাহ্য কিছু সকলই । তা-
হাতে আমি প্রাণকেই লাভ করিলাম ।

অথ সমদবোচং ভূঃপ্রপদ্যেইতি পৃথিবীং
প্রপদ্যেইতি অগ্নিঃ প্রপদ্যে দিবং প্রপদ্য
ইত্যেব তদবোচং । ৫

‘অথ যৎ অবোচং ভূঃ প্রপদ্যেইতি’ পৃথিবীং প্র-
পদ্যে ‘অগ্নিঃ প্রপদ্যে’ ‘দিবং প্রপদ্যে’ ‘ইতিএব’
ত্রীমূল্যকান্ প্রপদ্যে ‘তৎ অবোচং’ ।

আর আমি যে বলিলাম ভুলোকের শরণাপন্ন
হই তাহাতে পৃথিবীর শরণাপন্ন হই, অন্তরীক্ষের
শরণাপন্ন হই, ইহাই বলিলাম । ৫

অথ সমদবোচং ভুবঃ প্রপদ্যেইতি অগ্নিঃ প্র-
পদ্যে বায়ুং প্রপদ্যে আদিত্যং প্রপদ্যেইত্যেব
তদবোচং । ৬

‘অথ যৎ অবোচং ভুবঃ প্রপদ্যেইতি’ ‘অগ্নিঃ প্র-
পদ্যে’ ‘বায়ুং প্রপদ্যে’ আদিত্যং প্রপদ্যে’ ইতি এব
তৎ অবোচং । ৬

আর এই যে বলিলাম ভুব লোকের শরণাপন্ন
হই, তাহাতে অগ্নির শরণাপন্ন হই, বায়ুর শরণাপন্ন
হই, আদিত্যের শরণাপন্ন হই, ইহাই বলিলাম । ৬

অথ সমদবোচং স্বঃপ্রপদ্যেইতি অগ্নিঃ
প্রপদ্যে যজুর্কেদং প্রপদ্যে সামবেদং প্রপদ্য
ইত্যেব তদবোচং তদবোচং । ৭

‘অথ যৎ অবোচং স্বঃ প্রপদ্যেইতি’ ‘অগ্নিঃ প্র-
পদ্যে’ ‘যজুর্কেদং প্রপদ্যে’ ‘সামবেদং প্রপদ্যে’ ইতিএব
তৎ অবোচং তৎ অবোচং । ৭

আর এই যে, বলিলাম স্বর্গের শরণাপন্ন হই
তাহাতে অগ্নিঃ শরণাপন্ন হই, যজুর্কেদের শরণা-
পন্ন হই সামবেদের শরণাপন্ন হই, ইহাই বলিলাম । ৭

যোড়শোধ্যায়ঃ ।

পুরুষবাব যজ্ঞস্তস্য বানি চতুর্বিংশতি
বর্ষাণি তৎ প্রাতঃসবনং চতুর্বিংশতায়ক্ষর-
গায়ত্রী গায়ত্রং প্রাতঃসবনং তদন্য বসবো-
হন্যস্তাঃ প্রাণাবাব বসবএতেহীদং সর্কত্র
বাসয়ন্তি । ১

অত্র আত্মানং যজ্ঞং সম্পাদয়তি । পুরুষঃ জীবন-
বিশিষ্টঃ ‘বাব’ অবধারণার্থঃ ‘যজ্ঞঃ’ পুরুষএব যজ্ঞ ইত্যর্থঃ
‘তস্য’ পুরুষস্য ‘বানি চতুর্বিংশতি বর্ষাণি আয়ুধঃ’ তৎ
প্রাতঃসবনং কেনইত্যাহ । ‘চতুর্বিংশতি অক্ষরা
গায়ত্রী’ ছন্দঃ । ‘গায়ত্রং প্রাতঃসবনং’ গায়ত্রীছন্দস্তৎ
হি বিধিযজ্ঞস্য প্রাতঃসবনং অতঃ প্রাতঃসবনসম্পন্ন
চতুর্বিংশতিবর্ষায়ুযা যুক্তঃ পুরুষঃ । ‘অথ’ পুরুষ
যজ্ঞস্য ‘তৎ’ প্রাতঃসবনং ‘বসবঃ’ দেবাঃ ‘অস্মায়তাঃ’
অনুগতাঃ । ‘প্রাণাঃ বাব বসবঃ’ বাগাদয়ো বায়বশ্চ তে
‘এতে’ ‘হি’ ‘ইদং’ পুরুষাদি প্রাণিজাতং ‘বাসয়ন্তি’ । ১

পুরুষ যজ্ঞ স্বরূপ । সেই পুরুষের চর্কিত
নংসর পর্য্যন্ত যে বয়স তাহা প্রাতঃসবন । যে ছেতুক
গায়ত্রী ছন্দ চর্কিত-অক্ষর-বিশিষ্ট এবং গায়ত্রী ছন্দ
রচিত স্তোত্র সকলও প্রাতঃসবন । বসুদেবতা
ইহার অনুগত । ইন্দ্রিয়গণ এবং পঞ্চ প্রাণ ও বায়ু
বসু দেবতা । ইহারা মনুষ্য প্রভৃতি প্রাণিজাতকে
রক্ষা করে । ১

তক্ষেদেতস্মিন্ বয়সি কিঞ্চিৎপতপেৎ স-
ক্রয়াৎ প্রাণাবসবইদং মে প্রাতঃসবনং
মাধ্যন্দিনং সवनমনুসন্তনুতেতি। মাহং-
প্রাণানাং বসূনাং মধ্যে যজ্ঞো বিলোপীয়ে-
ত্ব্যুত্কেব ততএত্যগদোহ ভবতি। ২

‘তং চেৎ’ বজ্রসম্পাদিতং ‘এতস্মিন্’ প্রাতঃসবন
সম্পাদে ‘বয়সি’ ‘কিঞ্চিৎ’ ব্যাখ্যাতিরনশঙ্কা কারণং
‘উপতপেৎ’ ক্লেশমুৎপাদয়েৎ ‘সঃ’ বজ্রসম্পাদী পুরুষ
আত্মানং যজ্ঞং মন্যমানো তদা ‘ক্রয়াৎ’ অপেদিত্যর্থঃ
ইদং মন্ত্রঃ। হে ‘প্রাণাঃ বসবঃ’ ইদং মে প্রাতঃসবনং
মম যজ্ঞস্য বর্ততে। তস্মাৎ ‘মাধ্যন্দিনং সवनং অনু-
সন্তনুত ইতি’ মাধ্যন্দিনেন সবনেনাযুবা সহিতমেকী
ভূতং সততং কুরুতেত্যর্থঃ। ‘মা অহং প্রাণানাং বসূনাং
মধ্যে যজ্ঞ বিলোপীয়’ বিলুপোয়ং বিচ্ছিদোয়মিত্যর্থঃ।
‘ইতি’ শব্দোমন্ত্রসমাপ্ত্যর্থঃ। স তেন জপেন ‘ততঃ’
তস্মাৎপতাপাৎ ‘উৎ-এতি হ এব’ উদ্গাচ্ছতি উদ্গায়
বিশুদ্ধঃ সন্ ‘অগদঃ হ’ অহুপতাপাৎ ‘ভবতি’। ২

তাহাকে যদি এই বয়সের মধ্যে কোন পীড়ার
উপতাপ দেয় তাহা হইলে সে বলিবেক, হে প্রাণ
বসুদেবতা সকল এই আমার প্রাতঃসবন, আমাকে
মাধ্যন্দিন সवन পর্য্যন্ত রক্ষা কর। প্রাণ বসু-দেবতা
দিগের মধ্যে যজ্ঞ যে আমি যেন বিলোপ প্রাপ্ত না
হই। তৎপরে সে সেই উপতাপ হইতে মুক্তি
পায় এবং অরোগী হয়। ২

অথ যানি চতুশ্চত্বারিংশৎবর্ষানি তন্মাধ্য-
ন্দিনং সवनং চতুশ্চত্বারিংশৎদক্ষরা ত্রৈক্ষুপ্
ত্রৈক্ষুভং মাধ্যন্দিনং সवनং তদস্য রুদ্রা
অস্বায়ত্তাঃ প্রাণাবাব রুদ্রাএতেহীদং সর্বং
রোদয়ন্তি। ৩

‘অথ যানি চতুশ্চত্বারিংশৎবর্ষানি তৎ মাধ্যন্দিনং
সবনং’ ‘চতুশ্চত্বারিংশৎদক্ষরা ত্রৈক্ষুপ্’ ‘ত্রৈক্ষুভং’
‘মাধ্যন্দিনং সवनং’ ‘অস্য’ পুরুষযজ্ঞস্য ‘তৎ’ মাধ্য-
ন্দিনসবনং ‘রুদ্রাঃ’ দেবাঃ ‘অস্বায়ত্তাঃ’ অহুগতাঃ।
‘প্রাণাঃ বাব রুদ্রাঃ’ ‘এতে’ প্রাণারুদ্রাঃ ‘হি ইদং সর্বং’
প্রাণিজাতং ‘রোদয়ন্তি’ ক্রুরাস্তে মধ্যমে বয়স্যতো
রুদ্রাঃ। ৩

আর পুরুষের চর্কিংশ বৎসরের পর যে চৌয়া-
ল্লিশ বৎসর আয়ু তাহা মাধ্যন্দিন সवन। চৌয়া-

ল্লিশ অক্ষর বিশিষ্ট ত্রিষ্টুপ হন্দ। ত্রিষ্টুপ-রচিত
স্তোত্র-সকল মাধ্যন্দিন সवन। এই মাধ্যন্দিন সব-
নের রুদ্র দেবতার অনুগত। এই সময়ের প্রাণ
সকলই রুদ্র দেবতা। ইহারাই এই প্রাণিগণকে
এই মধ্য বয়সে ক্রন্দন করাইয়া থাকেন। ৩

তক্ষেদেতস্মিন্ বয়সি কিঞ্চিৎপতপেৎ স-
ক্রয়াৎ প্রাণারুদ্রাইদং মে মাধ্যন্দিনং সवनং
তৃতীয় সवनমনুসন্তনুতেতি মাহং প্রাণানাং
রুদ্রানাং মধ্যে যজ্ঞো বিলোপীয়েত্ব্যুত্কেব
ততএত্যগদোহ ভবতি। ৪

‘তং চেৎ এতস্মিন্ বয়সি কিঞ্চিৎ উপতপেৎ’ ‘সঃ’
ক্রয়াৎ’ হে ‘প্রাণাঃ রুদ্রাঃ’ ইদং মে মাধ্যন্দিনং সवनং
‘তৃতীয় সवनং অনুসন্তনুত ইতি’ ‘অহং প্রাণানাং রুদ্রা-
নাং মধ্যে যজ্ঞো মা বিলোপীয় ইতি’ ‘ততঃ এব’ ‘সঃ’
‘উৎ-এতি’ ‘সঃ’ ‘অগদঃ হ ভবতি’। ৪

এই বয়সে যদি তাহাকে কিছুতে উপতাপ
দেয়, তবে সে বলিবেক হে প্রাণরুদ্র দেবতার এই
আমার মাধ্যন্দিন সवन আমাকে তৃতীয় সवन পর্য্যন্ত
রক্ষা কর। প্রাণ রুদ্রদিগের মধ্যে যজ্ঞ যে আমি
যেন বিলুপ্ত না হই। তৎপরে সে সেই উপতাপ
হইতে মুক্তি পায় এবং অরোগী হয়। ৪

অথ যান্যষ্টাচত্বারিংশৎবর্ষানি ততৃতীয়
সবনমফ্টাচত্বারিংশৎদক্ষরা জগতী জাগতং
তৃতীয়সবনং তদস্যাদিত্যা অস্বায়ত্তাঃ প্রাণা-
বাবাদিত্যা এতেহীদং সর্বমাদদতে। ৫

‘অথ যানি অষ্টাচত্বারিংশৎবর্ষানি তৎ তৃতীয়ং
সবনং’ ‘অষ্টাচত্বারিংশৎ দক্ষরা জগতী’ ‘জাগতং’
জগতীহন্দস্বং ‘তৃতীয়সবনং’ ‘অস্য’ ‘তৎ’ তৃতীয়ং
সবনং আদিত্যাঃ অস্বায়ত্তাঃ ‘প্রাণাঃ বাব আদিত্যাঃ’
‘এতে হি’ ‘ইদং’ শব্দাদিজাতং ‘সর্বং আদদতে’। ৫

আর আটবাড়ি বৎসরের পর আটচল্লিশ বৎসর
পর্য্যন্ত তাহার আয়ু তৃতীয় সवन। আটচল্লিশ
অক্ষর বিশিষ্ট জগতী হন্দ। জগতী স্তোত্র সকল
তৃতীয় সवन। আদিত্য দেবতার তাহার অনুগত।
প্রাণ সকল আদিত্য। ইহারাই এই সকল আবৃত
করিয়া রাখিয়াছে। ৫

তক্ষেদেতস্মিন্ বয়সি কিঞ্চিৎপতপেৎ স

ক্রমাৎ প্রাণা আদিত্যা ইদং মে তৃতীয়সবনমা-
যুরনুসমুত্তেতি মহহং প্রাণানামাদিত্যানাং
মধ্যে যজ্ঞাবিলোপন্যৈতু্যৈব ততএত্যগ-
দৌহৈব ভবতি । ৬

‘তং চেৎ এতস্মিন বরসি কিঞ্চিৎ উপতপেৎ’ ‘সঃ
ক্রমাৎ’ ‘প্রাণাঃ আদিত্যাঃ ইদং মে তৃতীয়সবনং
‘আযুঃ’ যোড়শোত্তরবর্ষশতং সমাপয়ত ‘অনুসমুত্ত
ইতি’ যজ্ঞং সমাপয়ত । ‘মা অহং প্রাণানাং আদিত্যানাং
মধ্যে যজ্ঞঃ বিলোপন্য ইতি’ ‘ততঃ এব উদেতি’
‘অগদঃ হএব ভবতি’ ; ৬

এই বরসে যদি তাহাকে কিছুতে উপতাপ
দেয়, তবে সে বলিবে যে প্রাণ-আদিত্য দেবগণ,
এই আমার তৃতীয় সবন। আমাকে পূর্ণায়ু করিয়া
আমার যজ্ঞ সম্পন্ন করিতে দেও। প্রাণ আদিত্য
দেবতাগণের মধ্যে যজ্ঞ যে আমি যেন নষ্ট না হয়।
তৎপরে সে সেই উপতাপ হইতে মুক্তি পায় এবং
অরোগী হয় । ৬

এতদ্ব্যবৈ তদ্বিদ্বানাহ মহিদাস ঐতরেয়ঃ
সকিং ম এতদুপতপসি বোহহমেনেন ন প্রে-
ষ্যামীতি সহ যোড়শং বর্ষশতমজীবৎ প্রহ-
যোড়শং বর্ষশতং জীবতি যএবং বেদ । ৭

‘এতৎ’ যজ্ঞদর্শনং ‘হইব’ ‘তৎ বিদ্বান আহম্’
‘মহিদাসঃ’ নামতঃ ইতরায়্য অপত্যং ‘ঐতরেয়ঃ’ ‘সঃ’
স্বং হে রোগ ‘কিং’ কস্মাৎ ‘মে’ মম ‘এতৎ’ উপতপনং
‘উপতপসি’ । ‘যঃ অহং’ যজ্ঞঃ ‘অনেন’ স্বংকৃত-
নোপতাপেন ‘ন প্রেষ্যামি ইতি ন মরিষ্যামি অতো’
রুখা তবশ্রমইত্যর্থঃ । ‘সঃ হ’ এবং নিশ্চয়ঃ সন
‘যোড়শং বর্ষশতং অজীবৎ’ ‘হ’ অনোহপ্যেবং নিশ্চয়ঃ
‘যোড়শং বর্ষশতং জীবতি যঃ এবং বেদ’ ।

এই প্রকার যজ্ঞ-জ্ঞান-সম্পন্ন মহিদাস ঐতরেয়
বলিয়াছিলেন যে, হে রোগ তুমি কেন আমার রুখা
উপতাপ প্রদান কর। আমি তোমার এই উপতা-
পেতে মরিব না। তিনি একশত যোড়শ বৎসর
পর্যন্ত জীবিত ছিলেন। এবং যিনি এই প্রকার
জানেন তিনি একশত যোড়শ বৎসর পর্যন্ত জীবন
ধারণ করেন । ৭

নব-বর্ষের ব্রাহ্মসমাজ ।

১ বৈশাখ ৪২ ব্রাহ্ম সমাজ ।

নব বর্ষের দ্বার উন্মোচিত হইল। কি
মনোহর দৃশ্য! উর্কে কি অধোতে দক্ষিণে
বামে, চারিদিকে শোভা। মস্তকোপরি নীল-
বর্ণ আকাশ কি রমণীয় কি নির্মল; ইহার
প্রতি দৃষ্টিপাত করিবা মাত্র সেই নির্মল
পরমেশ্বরই স্মরণ-পথে উপস্থিত হন। সুগন্ধি
পুষ্পের গন্ধ বহন করিয়া অনিল কেমন
অনুরাগের সহিত ক্রীড়া করিতেছে। কাননে
কাননে কুমুম-কলিকা প্রস্ফুটিত হইয়া গন্ধ-
ভারে জগৎকে আমোদিত করিতেছে।
শত শত পদ্ম তরুণ-সূর্য্য-কিরণ-স্পর্শে
প্রফুল্ল হইয়া কি অতুল্য লাবণ্য ও শোভা
বিস্তার করিতেছে। কল-কণ্ঠ কোকিলকুল
ও অন্যান্য বিহঙ্গম সকল জাগ্রত হইয়া
মেদিনীকে সংগীত-সুধা-রসে অভিষিক্ত ক-
রিতেছে। এমন পবিত্র কালে—এমন রম-
ণীয় সময়ে আমরাই কি নিস্তরু থাকিতে
পারি? এখন আমরা তাঁহাকে দোহাধার
নিমিত্ত ব্যাকুল। চারি দিকের শোভা চারি
দিকের অমৃত ভাব দেখিয়া এক্ষণে আমরা
স্বভাবতই সেই অমৃতস্বরূপকে অশ্বেষণ
করিতেছি। যেন কোন অদৃশ্য আকর্ষণে
আকৃষ্ট হইয়া আমরা সেই মধুস্বরূপ
রের দিকেই বাইতেছি। আমরা পৃথিবীতে
থাকিয়াও সেই অমৃতধামে বিচরণ করি-
তেছি। ব্রাহ্মগণ! দেখ সেই প্রেম-রসি
আমাদের সম্মুখে; ধন্য তাঁহার করুণা।
তাঁহার অমৃতময়-জ্যোতি-স্পর্শে আমাদের
হৃদয়-কমল প্রস্ফুটিত হইয়া কি অপূর্ণ
শোভাই ধারণ করিয়াছে। ভক্তিরূপ সুগন্ধি
তথা হইতে বহির্গত হইয়া তাঁহারি
মুখে উথিত হইতেছে। আমরা যেমন
এখন তাঁহার জন্য ব্যাকুল, তিনিও

আমাদের প্রতি ততোধিক অনুকূল হইয়া আমাদের আলিঙ্গন-পাশে আবদ্ধ করিতেছেন। কি সুধাময় তাঁহার সহবাস! কি মধুময় তাঁহার স্পর্শ-স্বথ! জানি না কেমন করিয়া আমরা ইহার জন্য তাঁহার নিকট কৃতজ্ঞতা প্রকাশ করিব। তাঁহার করুণায় প্রাবিত হইয়া শরীর রোমাঞ্চিত ও মন উত্তপ্ত হইয়াছে। হে ঈশ্বর! এখন আর তোমার নিকট তোমা ভিন্ন কি প্রার্থনা করিব। এই প্রার্থনা করি যে তুমি চিরদিন অনুকূল থাক, আর আমরা তোমাকে চিরদিন হৃদয়-ধামে এমনি করিয়া দর্শন করি। তোমার প্রেম-মুখ দেখিতে দেখিতে তোমার প্রেম গাইতে গাইতে যেন জীবন অবসান হয়।

হে জীবননাথ জীবনদাতা! নব বর্ষের এই প্রথম মুহূর্ত্তে আমরা তোমার শরণাপন্ন হইতে আসিয়াছি। হে শরণাগত-বৎসল! আমাদেরকে তোমার চরণে স্থান দাও। আমরা যে তোমা ভিন্ন বাঁচি না। আমরা যে তোমা ভিন্ন এক পদ অগ্রসর হইতে পারি না। আমাদের জীবন-সমুদ্রে কত ভীষণ তরঙ্গ—কত গুপ্ত পর্বত ও প্রবল বাটিকা রূপ বিপদ সকল আমাদেরকে ভয় প্রদর্শন করিতেছে। কেমন করিয়া এই সকল অতিক্রম করিয়া সেই শান্তি-নিকেতন ব্রহ্মধামে উপস্থিত হইব ভাবিয়া আকুল। নাথ! এই অকুল সমুদ্রে তুমি আমাদের একমাত্র ভরসা—একমাত্র অবলম্বন। তোমার চরণ-তরণী ভিন্ন ইহার পরপারে যাইতে আমাদের কিছুমাত্র সাধ্য নাই। নাথ! তুমি এ জীবন-সমুদ্রে একমাত্র কাণ্ডারী। তোমার হস্তে আমরা আত্ম সর্পর্পণ করিয়া নির্ভয় হই। তুমি আমাদেরকে সকল প্রকার ভয় ও বিপদ হইতে রক্ষা কর। হে বিপদ-বার্ণন—হৃৎকলের বল জমহায়ের সহায়!

আমরা করযোড়ে তোমাকে ডাকি, তুমি আমাদেরকে সম্যক প্রকারে রক্ষা কর।

“অভয় দাতাহে—শরণ লই তোমার।
যদি পাই তব চরণ-ছায়া নাহি উরি করান কালে”

ওঁ একমেবাদ্বিতীয়ং।

শ্যামবাজার অষ্টাদশ সাপ্তাহিক সাপ্তাহিক ব্রাহ্মসমাজ।

১৯৩০ শক, ২০ বৈশাখ, রবিবার।

আমাদের পরম সৌভাগ্য যে ভারতের অরণ্যের ব্রহ্ম-বিদ্যা এখন নগর-গ্রামে আলোচিত হইতেছে; নির্জন বনের, নিভৃত কুটীরের, নিস্তরু গিরিগুহার ব্রহ্ম-পূজা এখন বাণিজ্য-পূর্ণ নগরে, জনাকীর্ণ গ্রামে, সুসম্পন্ন-গৃহস্থ-ভবনে অনুষ্ঠিত হইতেছে। ঈশ্বরেরই ভৌতিক-নিয়ম-প্রভাবে যেমন হিমালয়ের গঙ্গানদী, ফল-শস্যে পূর্ণ করিবার জন্য নিম্নতল বঙ্গের বক্ষ দিয়া প্রবাহিত হওত সাগর-গর্ভে নিপতিত হইতেছে, তেমনি সেই করুণাময় পরমেশ্বরেরই মঙ্গল-ইচ্ছা-বলে ব্রহ্মাবর্তের শান্তি-গর্ভ, মুক্তি-প্রদ ব্রহ্মজ্ঞান-প্রবাহ নানা দিগদেশ উল্লঙ্ঘন করত নির্জীব বঙ্গবাসিদিগের জীবন-জ্যোতি, শান্তি-মঙ্গল বিধান করিবার জন্য এই বলহীন জ্ঞান-হীন মলিন দেশে অবতীর্ণ হইয়াছে। বঙ্গবাসিগণ যদি গঙ্গার নিম্নল মলিন পান এবং তাহাতে অবগাহন করেন; আপন-আপন উদ্যান-ক্ষেত্রে তাহা সিঞ্চন করেন, তাহা হইলে যেমন তাঁহারদের স্বাস্থ্য-সম্পদ, ফল-শস্য লাভ হয়, তেমনি সেই অরণ্যের পবিত্র ব্রহ্মজ্ঞান-প্রবাহ, যাহা এখন বঙ্গের নগর-গ্রামে, দ্বারে দ্বারে প্রবাহিত হইতেছে, আমরা যদি তাহা আগ্রহ ও আদরের সহিত গ্রহণ করত তদ্বারা

আত্মাকে অভিযুক্ত করিতে পারি, তাহা হইলে নিশ্চয়ই আমারদের নির্জীব আত্মা সজীব হইয়া উঠে, আমারদের সমস্ত হৃদয়ের অন্তর-জ্বালা একবারে তিরোহিত হইয়া যায়, আমারদের প্রকৃতি-প্রকৃতি পরিবর্তিত হওত নূতন-ভাব নবতর বলবীৰ্য্য ধারণ করিতে পারে।

ব্রহ্ম-জ্ঞান আলোচনা, ব্রহ্ম-পূজার অনুষ্ঠান জন্ম এখন নানাবিধ গ্রন্থ প্রচারিত হইতেছে, নগর-পল্লী প্রভৃতি নানা স্থানে ব্রাহ্মসমাজ স্থাপিত হইতেছে, উপদেশ বক্তৃতার উচ্চ রবে গগনমণ্ডল কম্পিত হইতেছে, অথচ কেন তাহা এখানকার নর-নারীর হৃদয়ে সন্ধ্যাক্রমে প্রতিষ্ঠিত হইতেছে না? কেন আত্মার সর্বস্ব-ধন পরমেশ্বর আত্মাতে সর্বক্ষণ স্থান পাইতেছেন না? কেন তাঁহাকে আমরা আমারদের বস্ত্রী মস্ত্রী, নেতানিয়ন্তা রূপে গ্রহণ করিতে পারিতেছি না? কেবল যথা-পদ্ধতি সাধন-তপস্যার অভাবেই তিনি আমারদিগের দ্বারা লঙ্ঘিত হইতেছেন না। বর্তমানের ব্রহ্ম-সাধন বা ব্রহ্ম-পূজা যেন একটা কোঁতুহল চরিতার্থের বিষয় হইয়া উঠিয়াছে। যৌবনের উদ্যমে যেনন যুবকদল নানাবিধ সং কার্যের অনুষ্ঠান করিয়া থাকেন, ব্রাহ্মসমাজ-প্রতিষ্ঠা বা ব্রহ্ম-উপাসনা করাও যেন তেমনি একটা যৌবনোচিত সাময়িক কার্য হইয়া উঠিয়াছে। সংসার-প্রবেশ বা বিষয়-কার্য অবলম্বনের সঙ্গে সঙ্গেই যেনন তাঁহারদের অপরাপর কার্যানুষ্ঠানের প্রতি উৎসাহ অনুরাগ মন্দীভূত হইয়া যায়, তেমনি অনন্ত-কাল-প্রতিপাল্য ধর্ম-ব্রতও সাধন-তপস্যা অভাবে অকালে উদ্ভাসিত হইয়া থাকে। ইহার পর এ দেশের দুর্গতি দুর্দশা আর অধিক কি হইতে পারে? ইহা কে না জানে যে বিশেষ যত্ন-চেষ্টা, শিক্ষা-সাধন

ভিন্ন সংসারে কোন-পদার্থই লঙ্ঘন হয় না। কি বল-বীৰ্য্য, কি কল-শন্য, কি জ্ঞান-বিজ্ঞান, পরিশ্রম ভিন্ন কিছুই লাভ করা যায় না। বল-প্রার্থী ব্যক্তি কি উৎকট পরিশ্রম করিয়াই ব্যায়াম শিক্ষা করেন, তবে তাঁহার শরীর দ্রুতিষ্ঠ, বলিষ্ঠ কষ্টসহ ও কার্যক্ষম হইয়া উঠে। কৃষক কি দুঃসহ কষ্টই স্বীকার করিয়া ভূমি-কর্ষণ বীজবপন প্রভৃতি কার্য সম্পাদন করেন, তবে তাঁহার কল-শন্য লাভ হয়। বিদ্যার্থী কত কষ্ট-কেশ স্বীকার করিয়া দিবারাত্রি অননামনা অনন্য-কর্মা হইয়া অধ্যয়ন অনুশীলনে নিযুক্ত থাকেন, তাহাতেই তাঁহার মনোভাণ্ডার দুর্লভ জ্ঞান-বিজ্ঞান-রত্নে পূর্ণ হইয়া থাকে। তাহারই বলে তিনি কর্ম-ক্ষেত্রে প্রবেশ করিয়া শ্রম-বিনিময়ে ধন-রত্ন, সুখ-সম্পদ লাভে সমর্থ হইলেন। বিনা পরিশ্রমে যখন পৃথিবীতে কোন কার্যই সুসম্পাদিত হয় না, তখন যে বিনা শ্রমে সকল জ্ঞানের পরাকাষ্ঠা সকল বিদ্যার সার ব্রহ্ম-বিদ্যা লঙ্ঘিত হইবে, কোন ক্রমেই তাহার আশা করা যায় না। এখানকার ধন-সম্পদ সুখ-সৌভাগ্য সকলই অস্থায়ী; সকলেরই সঙ্গে মনুষ্যের অতি অল্প কালের সম্বন্ধ, অথচ সেই সকল অচির বস্তু লাভের জন্য তাহাকে কতই উৎকট পরিশ্রম কতই দুঃসহ কষ্ট সম্ভোগ করিতে হয়। অথচ যে বস্তু আনারদের চিরকালের উপভোগ্য, চিরদিনের সঙ্গী, অনন্ত কালের শিক্ষণীয় ও সেবনীয় তাহা কি বিনা-যত্নে লঙ্ঘন হইবে?

“শ্রমাদীনং জগৎসর্বং শ্রমাদীনং পরমং পঃ”

জগতের সকল কার্যই যেমন শ্রমাদীন, তেমনি তপস্যাও যার পর নাই শ্রম-সাধ্য। প্রার্থী না হইয়া, যেমন উচ্চতম বিদ্যালয়ের উন্নত-জ্ঞান অধ্যাপকদিগের সন্নিধানে উপনীত হইলেও কোন রূপেই বিদ্যালয় লাভ হয়

না, তেমনি সেই অমৃত-ধনের* ভিখারী না হইয়া শোভনতম ব্রাহ্মসমাজেই গমন কর, আর জ্ঞানাপন্ন উপদেষ্টাদিগের উপদেশ বক্তৃতাই শ্রবণ কর, কিছুতেই ব্রহ্ম-লাভে কৃতকার্য হওয়া যায় না। বিদ্যা-শিক্ষা করিতে গেলে যেমন আগ্রহ, অনুরাগের সহিত শিক্ষা-সম্বন্ধীয় সকল নিয়ম প্রতিপালন করিতে হয়, শিক্ষক অধ্যাপকদিগের অনুগত থাকিয়া শাস্ত্র-সমাহিত-চিত্তে তাঁহাদের উপদেশ-বাক্য শ্রবণ করিতে হয় এবং আলোচনা ও অনুশীলন দ্বারা লব্ধ উপদেশ সকল হৃদয়ে বদ্ধমূল করিয়া রাখিতে হয়, মনোবৃত্তি-সকলের উৎকর্ষ-সাধনে নিযুক্ত থাকিতে হয়, তেমনি ব্রহ্ম-জ্ঞান-লাভের জন্য ব্যাকুল অন্তরে উপাসনা-ক্ষেত্রে, গুরুজন-সম্মিধানে উপস্থিত হইতে হয়। সামাজিক উপাসনা লোক-শিক্ষা জ্ঞানোন্নতি ও উৎসাহ-বর্দ্ধন জন্যই বিশেষ প্রয়োজন। কিন্তু একাকী নির্জনে প্রদেশে শাস্ত্র সমাহিত হইয়া অনন্যমনে ব্রহ্ম-চিন্তায় প্রবৃত্ত হইলে সাধক নিশ্চয়ই সিদ্ধি-লাভ করেন।

“একান্তে নির্জনে দেশে সিদ্ধোভবতি নিশ্চিতং”।

চরিত্র-শোধন, ইন্দ্রিয়-সংযম, দর্শন-শ্রবণ, মনন-নিদিধ্যাসন প্রভৃতি আত্ম-যত্ন আত্ম-চেষ্ঠা দ্বারা সম্পাদন করিতে হয়। সাধু-সঙ্গ, গুরু-উপদেশ প্রভৃতি এই সকল গুরুতর উচ্চতর কার্য-সাধনে সাহায্য ও উপলক্ষ মাত্র। আমারদিগের অন্ত পনি অন্যে প্রস্তুত করিয়া আমারদিগের সন্মুখে ধারণ করিতে পারে, কিন্তু সেই সকল গ্রহণ ও জীর্ণ করা যেমন আমারদিগের নিজ নিজ শক্তি-সাপেক্ষ, তেমনি সং-গ্রহ ও সত্বপদেশ সকল আমরা অন্যের নিকট হইতে প্রাপ্ত হইতে পারি কিন্তু সংযম ও প্রত্যাহার-গুণে একাগ্র-হৃদয়ে

অধ্যয়ন-শ্রবণ করত মনন-নিদিধ্যাসন দ্বারা তৎসমূহ অন্তরে পোষণ ও পরিপাক করা আপন আপন যত্ন-চেষ্ঠা-সাধ্য। এইরূপে আত্ম-চেষ্ঠায় গুরুজন-উপদেশে ঈশ্বরে আস্থা-অনুরাগ, প্রীতি-নিষ্ঠার উদ্দীপন হইলে ক্রমে আমরা ব্রহ্ম-লাভে সমর্থ হইতে পারি।

ঈশ্বর বিষয়ের অতীত পদার্থ, তাঁহাকে লাভ করা বড় সহজ ব্যাপার নহে। অতীন্দ্রিয় পরব্রহ্মকে জ্ঞান-চক্ষে প্রত্যক্ষ সন্দর্শন করা যারপরনাই যত্ন-চেষ্ঠা, সাধন তপস্যা-সাপেক্ষ এই জন্যই বিষয়-বিমুক্ত, সাধন-বিমুখ জন-গণ বলিয়া থাকেন যে, সেই চক্ষুর অগোচর কস্মৈন্দ্রিয়ের অগ্রাহ্য এবং অব্যবহার্য ঈশ্বরকে কোন-রূপেই লাভ করা যায় না। আমরা কি অন্ধের বাক্যে বিশ্বাস করিয়া এই শোভা-সৌন্দর্য্য-পূর্ণ পৃথিবীকে এবং চন্দ্র-সূর্য্য-গ্রহ-নক্ষত্র-খচিত অসীম আকাশকে কেবল তমসাচ্ছন্ন বলিয়া অবগত হইব? না চক্ষুস্থান্ ব্যক্তিগণ যাহা বলেন চক্ষু উন্মীলন করিয়া তাহাই দেদীপ্যমান-সন্দর্শন করিব? ভারতের জ্ঞান-বৃদ্ধ, তপস্যা-নিপুণ, যোগ-সিদ্ধ পূর্ব্বতন ঋষিগণ বহু সাধন ও তপস্যা দ্বারা ঈশ্বরকে লাভ করিয়া যাহা বলিয়া গিয়াছেন, সেই তেজঃ-পূর্ণ উৎসাহকর বাক্য তোমরা এই মাত্র শ্রবণ করিলে যে

“তপসা ব্রহ্ম বিজিজ্ঞাসস্ব। ব্রহ্ম-বিদ্যাপ্নোতি পরং”

“তপস্যা দ্বারা ব্রহ্মকে জানিতে ইচ্ছা কর। ব্রহ্ম-জ্ঞানী ব্রহ্মকে প্রাপ্ত হইবেন।” যাহারা যত্ন-চেষ্ঠা, সাধন তপস্যা দ্বারা বিষয়াতীত পর ব্রহ্মকে করতল-ন্যস্ত আমলকবৎ লাভ করিয়া পশ্চাৎগামী জনগণকে ব্রহ্ম-সাধনে উৎসাহিত করিবার জন্য যাহা বলিয়া গিয়াছেন, তাঁহাদের সেই মহাবাক্য শ্রবণ করিয়া সকলে উৎসাহিত হও। বর্তমান সময়ে ব্রহ্ম-সাধন-বিষয়ে কোন নিয়ম-পদ্ধতিই দৃষ্ট হয় না, সুতরাং এখন যদি বলা

যায়, যে ব্রহ্ম-প্রাপ্তির জন্য তোমরা তপস্যা কর, তাহা হইলে হয় তো এই বাক্যটি সকলের পক্ষে সুখকর হইবে না। তপস্যা শব্দ উচ্চারণ করিলে হয় তো কেহ বুঝিবেন যে, স্ত্রী পুত্র পরিত্যাগ করিয়া অরণ্যে বাস, অনশন, অগ্নিনেবাদি দ্বারা শরীর শোষণ করাই তপস্যার লক্ষ্য! বস্তুতঃ তপস্যা শব্দের এরূপ হয় অর্থ তাৎপর্য্য নহে। এই সকল কৃচ্ছ-সাধন দ্বারা কদাচ পরব্রহ্মকে লাভ করা যায় না। তপস্যা ত্রিবিধ, শারীরিক, বাচিক এবং মানসিক।

১ম। “দেবদ্বিজগুরুপ্রাজ্ঞপূজনং শৌচনার্জবৎ।
ব্রহ্মচর্য্যমহিংসা চ শারীরং তপ উচ্যতে ॥”

দেব দ্বিজ, গুরু প্রাজ্ঞ-জন সেবা, দৈহিক পবিত্রতা, সরলতা, সংযম ও অহিংসাকেই শারীরিক তপস্যা বলে।

ঐহারা সাধারণ জনগণ হইতে জ্ঞান-বুদ্ধ, প্রেমোন্নত, যোগ-সিদ্ধ ঐহারা দেব-শব্দের বাচ্য। ধর্ম্ম-সংস্কার দ্বারা ঐহারদের আত্মা সংস্কৃত হইয়াছে, সাধন-তপস্যা-বলে ঐহারদের প্রকৃতি ও প্রবৃত্তি পরিবর্তিত হইয়া নবতর ভাব ধারণ করিয়াছে, ঐহারাই প্রকৃত পক্ষে দ্বিজ নামের যোগ্য। পিতামাতা, আচার্য্য উপদেষ্টা প্রভৃতি গুরু-শব্দে অভিহিত হইয়া থাকেন। তত্ত্বজ্ঞানী বহুদর্শী নানা শাস্ত্রবিৎ পণ্ডিতগণই যথার্থ প্রাজ্ঞ, ইহাঁরদের অনুগত থাকিয়া—ইহাঁরদের পবিত্র সন্নিধানে অবস্থান করত চরিত্রসংশোধন, পবিত্রতা ও সরলতা অভ্যাস করা এবং অহিংসক হওয়াই শারীরিক তপস্যা।

২য়। “অল্পদ্বৈগকরং বাক্যং সত্যং প্রিয়হিতঞ্চ যৎ।
স্বাধ্যায়াত্যাসনং চৈব বাঙ্ৰায়ং তপ উচ্যতে ॥”

উদ্বৈগকর বাক্য পরিত্যাগ পূর্ব্বক বাক্য-মত হওয়া, সত্য, প্রিয় এবং হিতকর বাক্য বলা, এবং পরনার্থ-বিষয়ক গ্রন্থ অধ্যয়নে নিপুণ হওয়া বাচিক তপস্যা।

৩য়। “মনঃপ্রমাণঃ সৌম্যঃ মোনমান্ববিনিগ্রহঃ।
ভাবসংশুদ্ধিরিত্যোক্তত্বগোমানসমুচ্যতে ॥”

চিত্তপ্রসন্নতা, সৌম্যভাব, মিত্তভাবিতা, আত্ম সংযম ও ভাবশুদ্ধি এই কএকটিকেই মানসিক তপস্যা কহে।

হে ব্রহ্ম-জিজ্ঞাসু সাধু-সজ্জন সকল! মুক্ত হৃদয়ে বল দেখি, ব্রহ্ম-সাধন-উদ্দেশ্যে এই ত্রিবিধ তপস্যার মধ্যে, কোন তপস্যায় আমরা সিক্তি লাভ করিয়াছি? অথবা কোন প্রকার তপস্যার অনুষ্ঠানে আমরা দৃঢ়ভ্রত হইয়া রহিয়াছি? দেব দ্বিজ, গুরু প্রাজ্ঞ-জন প্রভৃতির অধীনে থাকিয়া তাঁহারদের উপদেশ দৃষ্টান্তের অনুবর্তী হওয়া দূরে থাকুক, আমরা স্বেচ্ছাচারিতাকেই স্বাধীনতা জ্ঞান করিয়া যথেষ্ট কার্য্যে প্রবৃত্ত হওত ইহঁদের পরিবর্তে অনিষ্ট-সাধনেই নিযুক্ত রহিয়াছি। বিষয়াসক্তি-বিমুখ, সত্য-প্রিয়, ঈশ্বর-প্রাণ প্রকৃত তত্ত্বদর্শী সাধু সদাশয় ব্যক্তির সারগর্ভ অমূল্য উপদেশ সকল আ-মারদের কর্ণে স্থান প্রাপ্ত হয় না; আমরা আহারদের দূষিত প্রকৃতি ও প্রবৃত্তির অনু-রূপ উপদেশ দৃষ্টান্তেই উত্তেজিত ও চালিত হইয়া ক্রমে ধর্ম্ম হইতে—ঈশ্বর হইতে বহু দূরে নিপতিত হইতেছি। ব্রহ্মচর্য্য ও অহিংসা অভ্যাস দূরে থাকুক, আমরা নানা বিষয়ে অসংযমী ও স্বেচ্ছাচারী হইয়া ক্রমে সাধন-মূলভ সদ্গুণ সমূহে জলাঞ্জলি দিতেছি।

বাক্যমত হওয়া, সত্য প্রিয় হিতকর বাক্য প্রয়োগ করা দূরে থাকুক, আমরা যৌবনের মত্ততায় দিগ্বিদিক-জ্ঞান-শূন্য হইয়া কত সময়ে শিক্ষাচার-বিরুদ্ধ রুক্ষ বাক্যাদি দ্বারা কত শত লোকের মনে নিদারুণ মর্দ-বেদনা প্রদান করিতেছি। তজ্জনিত পশ্চাৎতানে অনুতপ্ত না হইয়া বরং আপনারদিগকে সত্যপ্রিয়, তেজস্বী বলিয়াই অভিনান করিয়া

থাকি। ধর্ম-বিষয়ক গ্রন্থ অধ্যয়ন ও অভ্যাস করা যে একটা সাধকোচিত মহদগুণ, তাহাতে আমারদের মধ্যে কয় জনের বিশেষ অনুরাগ ও আসক্তি দৃষ্ট হইয়া থাকে? আমরা পরিশ্রম করিয়া অধ্যয়ন ও অনুসন্ধান দ্বারা নিগূঢ় ধর্মতত্ত্ব সকল অবগত হইতে দৃঢ়ব্রত হই না, অন্যের চিন্তা ও আলোচনার ফল লইয়াই দিন কতক আন্দোলন আশ্ফালন করত পরে ধর্মব্রতানুশীলনে উদাসীন হইয়া পড়ি। এই জন্য ধর্ম আমারদের স্যোপার্জিত সম্পত্তির ন্যায়, আদর-অনুরাগের বিষয় হয় না। এই কারণেই বিষয়ক্ষেত্রে প্রবেশ করিয়া যৌবনের তরঙ্গ-তুফানের মধ্যে, ঈশ্বরের সহিত যুক্তমনা যুক্তাত্মা হইয়া অটল ভাবে উন্নতি-মোপানে আরোহণ করিতে পারি না। এই কারণেই প্রথমে ঐহাকে ধর্ম্যানুরাগী বলিয়া দৃষ্ট হয়, পরে তাঁহাকে ধর্ম-বিদেষী হইতে দেখা যায়! এই হেতুই প্রথমে ঐহাদিগকে প্রকৃত সংযমী, বিশ্বাসী, ধর্মপরায়ণ, পরম উৎসাহী বলিয়া অবগত হওয়া যায়, পরে তাঁহারদিগের মধ্যে অনেকেই স্বেচ্ছাচারী, অবিশ্বাসী ধর্ম-দেষী, উদ্যম-উৎসাহ-শূন্য দৃষ্ট হইয়া থাকেন! কোথায় বয়োবৃদ্ধি-সহকারে অনুরাগ উৎসাহ বর্দ্ধিত হইবে, কোথায় বৃদ্ধির পরিণতির সঙ্গে সঙ্গে ঈশ্বরে আস্থা ও নির্ভরের ভাব অধিকতর হইতে থাকিবে, কোথায় সাধুতা সরলতা উদারতা বৃদ্ধি পাইবে, না তাহার বিপরীত ভারই পরিলক্ষিত হইতেছে। ইহার পর হৃদয়-বিদারক শোচনীয় ঘটনা আর অধিক কি হইতে পারে? ইহাতে ইহাই স্পষ্ট প্রতীতি হইতেছে, যে আমরা এখন পর্য্যন্ত ব্রহ্ম-লাভে সমর্থ হই নাই, কেবল মোপান-পরম্পরায় ঘূর্ণিত হইতেছি। এখনও ঈশ্বর আমারদিগের দ্বারা আত্মার আরামস্থল,

শান্তি-নিকেতন, নির্ভর-ভূমিরূপে লব্ধ হয়েন নাই, তিনি কেবল আমারদিগের বাক্য জল্পনার বিষয় হইয়াই রহিয়াছেন। একবার তাঁহাতে চিত্ত সমিবেশিত হইলে, একবার অন্তশ্চক্ষু তাঁহার অতুলন সৌন্দর্য্য সন্দর্শন করিলে, একবার মানস-রসনা সেই অনুপম আনন্দ-রসের আশ্বাদ প্রাপ্ত হইলে, একবার তিনি প্রাণের প্রাণ, আত্মার অন্তরাত্মা রূপে লব্ধ হইলে, কোনরূপেই চিত্ত তাঁহা হইতে বিচ্যুত হয় না। “অদ্যাপি ন নিবর্তন্তে সমুদ্রেভ্য ইবাপগাঃ” যে নদী একবার সমুদ্রে-গতা হইয়াছে, সে যেমন আর অদ্যাপি প্রত্যাবর্তন করে নাই, তেমনি যে আত্মা একবার ব্রহ্মসংস্থিত হইয়াছে, সে আর তাঁহা হইতে কদাচ প্রতিনিবৃত্ত হয় না। এই সাধন তপস্যার অব্যর্থ ফল, এইই ব্রহ্মোপাসনার প্রত্যক্ষ পুরস্কার। অতএব আইস, সকলে ব্রহ্মসাধনে দৃঢ়ব্রত হই, সেই জগতের সম্ভজনীয় পরম দেবতাকে আপনাপন গৃহ-পরিবারের মধ্যে গৃহদেবতারূপে তাঁহার নিত্য সেবায়, নিত্য পূজায় প্রবৃত্ত হই, তাঁহাকে স্ব স্ব আত্মার পুরস্বামীরূপে জাজ্বল্যমান সন্দর্শন করত, তাঁহারই আদেশে সংসার-ধর্ম পরিপালন করি। সেই অন্তর-তম প্রিয়তম ঈশ্বরকে আর কত দিন বাহিরে বাহিরে সন্দর্শন করিব? আর কতকাল বাক্য-উপচারে তাঁহার অর্চনায় নিযুক্ত থাকিব? যখন সেই অরণ্যের ব্রহ্মবিদ্যা, নির্জনের ব্রহ্মসাধন, বঙ্গের নগর গ্রাম পল্লীর মধ্যে আবিভূত হইয়াছে, হে বঙ্গবাসী সকল! ভক্তি-নম্র হৃদয়ে ঈশ্বরকে প্রণিপাত করিয়া আত্মার অন্তরে তাঁহাকে স্থান দান কর। শ্রদ্ধা ভক্তি প্রীতি উপচারে তাঁহার নিত্য-পূজায় প্রবৃত্ত হইয়া জীবনের সাফল্য সম্পাদন কর। সেই ব্রহ্ম-পূজার দ্বারাই বঙ্গদেশের দুর্বলতার পরিহার হইবে, সেই

বর্ষসামান-প্রভাবেই এখানকার পাপ তাপ মলিনতা অন্তরিত হইয়া যাইবে। বঙ্গের সহস্রবিধ অনৈক্যের মধ্যে ঐক্য সম্ভাব, শান্তি মঙ্গল আবির্ভূত হইবে।

হে পরমাত্মন! তুমি যখন আমারদের গতি-মুক্তির জন্য তোমার পবিত্র ব্রহ্মজ্ঞানকে এই মলিন দেশে প্রেরণ করিয়াছ, আমারদিগকে সত্য-পথ-ভ্রষ্ট বিপন্ন দেখিয়া স্বয়ংই আমারদের নেতা উপদেষ্টারূপে আবির্ভূত হইয়াছ, তখন আর আমারদিগকে পরিত্যাগ করিও না। আমরা সহস্র দোষে দোষী, সহস্র পাপে পাপী হইলেও তুমি ভিন্ন আর আমারদিগের গতি নাই। তোমার নিকট আর কি প্রার্থনা করিব, এইই প্রার্থনা করি যে “যদ্বদ্রেং তন্ন আস্ত্বব” “যাহা ভদ্রে যাহা কল্যাণ তাহাই আমারদের মধ্যে প্রেরণ কর।”

ওঁ একমেবাদ্বিতীয়ং।

বৈদিক আৰ্য্যসমাজ।

(পূর্কপ্রকাশিতের পর)

ঋগ্বেদসংহিতা হইতে আৰ্য্যদিগের পরিজ্ঞাত আর কতকগুলি জ্যোতিষ-তত্ত্বের উন্মেষ হয়। প্রথম মণ্ডলের ৮৪ সূক্তের ১৫ ঋক হইতে আমরা অবগত হই যে স্বকক্ষে ভ্রমণশীল চন্দ্রের উদকময় স্বচ্ছ বিম্বে সূর্য্য-কিরণ প্রতিফলিত হইয়া কিরণত্ব লাভ করে; অর্থাৎ দিবসের ন্যায় নৈশ তিমির নিবারণ করিয়া সকল বস্তু প্রকাশ করে। এস্থলে ভাষ্যকার সায়ণাচার্য্য নিরুক্ত গ্রন্থ হইতে কিঞ্চিৎ উদ্ধৃত করিয়া প্রদর্শন করিয়াছেন যে, সৌর রশ্মি চন্দ্রকে প্রদীপ্ত করে এবং চন্দ্রের স্বকীয় দীপ্তি নাই (১)।

(১) অত্রাহ গৌরময়ত নাম স্বষ্টুরপীচ্যম্।
ইথা চন্দ্রমসো গৃহে ॥ ১। ৮৪। ১৫

পুনর্বার ১০৫ সূক্তের প্রথম ঋকে লিখিত আছে “জলময় মণ্ডলের মধ্যবর্তী সূর্য্যরশ্মি-যুক্ত চন্দ্র আকাশে ভ্রমণ করিতেছেন (২)। আরও চতুর্থ অঙ্কের দ্বিতীয় অধ্যায়ের দ্বাদশ বর্গের শেষ ঋকে উক্ত আছে যে অস্বর-কুল-জাত স্বর্ভানু (রাহু) সূর্য্যকে তমঃ (নিম্ন-চ্ছায়া) দ্বারা বিদ্ধ অর্থাৎ গ্রস্ত করে এবং অত্রিবংশীয় ঋষিগণ এই তত্ত্ব জানিতে পারিয়াছিলেন। অন্য কেহ সূর্য্যমণ্ডলের কোন তত্ত্ব বিদিত হইতে পারে নাই (৩)। এবং স্ত্রকার মন্ত্র সকল হইতে প্রমাণিত হয় যে বৈদিক ঋষিরা চন্দ্রের প্রতিফলিত আলোক এবং গ্রহণের কারণ জানিতেন। কৃষ্ণ বজুবর্বেদে মধু, মাধব, শুক্র, শুচি, নভস্, নভস্য, ইষ, উর্জস্, সহস্, সহস্য, তপস্, তপস্য এই দ্বাদশ মৌর মাস নির্ণীত হইয়াছে। শুরু বজুবর্বেদের সপ্তদশ অধ্যায়ে এক, দশ, শত, সহস্র, অযুত, নিযুত, প্রযুত, অর্কবুদ, ন্যবুদ, সমুদ্র, মধ্য, অন্ত, এবং পরাঙ্ক এইরূপ গণনা-প্রণালীর নির্দেশ আছে। পরাঙ্কের উপর আর গণনা নাই। ইত্যাদি স্থল হইতে আৰ্য্যদিগের অঙ্কশাস্ত্রের উন্নতি হইয়াছিল বলিয়া প্রতীতি জন্মে।

ঋগ্বেদসংহিতার প্রথম মণ্ডলের ১৭ সূক্তের তৃতীয় ঋকে উল্লিখিত আছে যে আৰ্য্যজাতি প্রথমে অগ্নির স্তব করিয়াছিল।

“অত্রাহ অশ্বিনেব গোর্গঙ্কশচন্দ্রমসোগৃহে মণ্ডলে স্বষ্টুরাদিত্যস্য সম্বন্ধি অপীচ্যং রাত্রৌ অন্তর্হিতং স্বকীয়ং বৎ নাম তেজঃ তৎ আদিত্যস্য রশ্ময়ঃ ইথা জনেন প্রকারেণ অমমত অজানন্। অত্র নিরুক্তম্। অথাপ্যাস্য একঃ রশ্মিশচন্দ্রমসং প্রতিদীপাতে তৎ এতেন উল্লেন ক্রিতব্যম্ আদিত্যতোম্য দীপ্তির্ভবতীতি।” সায়ণঃ।

(২) চন্দ্রম্ অস্মু অন্তরা স্বপর্ণো ধাবতে দিবি।
১ম ১০৫ সূ. ১ ঋ

(৩) যং বৈ সূর্য্যং স্বর্ভানুস্তমসাধিধ্যং অস্বরঃ।
অত্রয়স্তমস্বিন্দন্থ নহান্যো অশক্রুবন্ ॥

৮৩ সূক্তের পঞ্চম ঋক্ পাঠ করিয়া জানা যায় যে অথর্ব এবং কাব্য উশনাঃ প্রথমে আৰ্যসমাজে যজ্ঞের প্রচার করেন। এই প্রাচীন ঋষিব্রয় যজ্ঞপ্রবর্তক। ইহাদের পূর্বে যজ্ঞ ছিল না। ৯৬ সূক্তের তৃতীয় ও চতুর্থ ঋকে উক্ত আছে যে আৰ্যজনগণ সর্বপ্রথমে যজ্ঞসাধক ধনদাতা অগ্নিদেবকে উপাসনা করে এবং মাতরিশ্বা অগ্নি আৰ্যদিগকে উপাসনা-পদ্ধতির উপদেশ দেন। ৬৮ সূক্তের দ্বিতীয় ঋকে পরাশর ঋষি বলিতেছেন “হে অগ্নিদেব, আপনার সেবা এবং উপাসনা করিয়া অনেক ব্যক্তি দেবত্ব প্রাপ্ত হইয়াছেন।” ৮৬ সূক্তের ষষ্ঠ ঋকে গোতম ঋষি প্রার্থনা করিতেছেন “হে মরুদগণ, আমরা আপনাদিগের আশ্রয়ে বহু সংবৎসর বাস করিয়া যেন আপনাদিগের উপাসনা করিতে পারি।” ৯৪ সূক্তের নবম ঋকে কুৎস ঋষি অগ্নিদেবকে ছুফাভিশংসী নাস্তিকদিগকে হনন করিতে এবং রাক্ষসাদি বিষ্মকারকদিগকে বিনাশ করিতে বলিতেছেন। ইহার পূর্বধাকে পাপ-বুদ্ধি রিপু মনুষ্যের উপর অভিশাপ দিবার কথা আছে। যজমান সর্বদা আত্মরক্ষা, দারিদ্রশান্তি, সৌভাগ্যোদয়, ধর্ম-বুদ্ধি-লাভ এবং পাপ-বুদ্ধি-নাশের নিমিত্ত দেবগণ-সকাশে প্রার্থনা করিতেন। ৯৯ সূক্তের প্রথম ঋকে কশ্যপ ঋষি অগ্নিদেবের নিকট পাপ-পারাবার ও ছুঃখার্ণব উত্তীর্ণ হইবার জন্য প্রার্থনা করিতেছেন। এই ঋকে লিখিত আছে “যজ্ঞপ কোন পোতচালক কোন ব্যক্তিকে সমুদ্র পার করিয়া দেয়, তজ্ঞপ অগ্নিদেব আমাদিগকে সকল ছুঃখ এবং সকল পাপ অতিক্রম করাইয়া ছুঃখ-রহিত এবং পাপ-রহিত প্রদেশে উত্তীর্ণ করাইয়া দিবেন।” আৰ্যদিগের ধর্ম-প্রবণতা এবং পাপ-পরাঙ্ মুখতা ঋগ্বেদসংহিতার প্রায় সর্বস্থানেই স্পষ্টাক্ষরে দেখিতে পাওয়া

যায়। এতাদৃশ ধর্মানুরাগসম্পন্ন জাতি ভূমণ্ডলে আর আছে কি না সন্দেহ।

প্রথম মণ্ডলের ৬৪ সূক্ত হইতে আমরা জ্ঞাত হই যে রুদ্র-পুত্রগণ সুন্দর আভরণ দ্বারা স্বশরীর অলঙ্কৃত করিতেন, উরোদেশে রুক্ম বা হার পরিধান করিতেন এবং স্কন্ধদেশে ঋষ্টি বা ভল্ল ধারণ করিতেন। ইহারা সর্বজ্ঞ, শরক্ষণশীল, সিংহনাদী, সর্পবৎ ক্রোধপ্রবণ এবং রুরু-মৃগবৎ স্বরূপ ছিলেন। এই সূক্ত-রচয়িতা ঋষি একস্থলে প্রার্থনা করিতেছেন “হে রুদ্রাত্মজ মরুদগণ! আমরা যেন বিদ্বান্, ধনোপার্জক এবং যশস্বী পুত্র পৌত্র লাভ করিতে পারি এবং তাহারা যেন শত বৎসর জীবিত থাকে (৪)। ৭৩ সূক্তেও এই রূপ ইচ্ছা প্রকাশ দৃষ্ট হয়। ৮৯ সূক্তে উক্ত হইয়াছে যে শত বৎসর মনুষ্যেরা জীবিত থাকে, শত বৎসর শেষপ্রায় হইলেই জরা আসিয়া উপস্থিত হয় এবং ক্রমশঃ শরীর জীর্ণ হইয়া মৃত্যু ঘটে। বেদে শরদ্, হিম প্রভৃতি বৎসর-বাচক শব্দ। এতদ্বারা স্থির হইতেছে যে বৈদিক কাল হইতেই মনুষ্যের আয়ুষ্কাল শত বর্ষ। সুতরাং পুরাণাদি বেদোত্তর গ্রন্থে সহস্র বৎসর জীবনের কথা চিন্তনীয়।

তৃতীয় মণ্ডলের ৩২ সূক্ত ১৫ ঋক হইতে উপলব্ধি হয় যে, বৈদিক কালে রাজপথ জলসিক্ত হইত। এই ঋকে উৎসেচক (ভিস্তি)দিগের কোশ অর্থাৎ জলাধার পাত্র সকল পূরণ করিবার কথা আছে। তৃতীয় মণ্ডলের ৩৩ সূক্তের ৯ ঋকে দেখা যায় যে তৎকালে শকট এবং রথ প্রচরজ্ঞপ ছিল

(৪) “ধনস্পৃহং উক্ধ্যং বিশ্বচর্ষনিং তোকং পুব্যেয় তনয়ং শতং হিমাঃ”

“স্বরয়ঃ শতহিমা নো অশ্বাঃ” (প্রোপ্লুয়ঃ) ১৭৩৯

“শতনিংহু শরদো অস্তি দেবাঃ” ১৮৯৯ ৯

(অস্তি মনুষ্যাণামস্তিকে)

এবং লোকেরা বহুদূর হইতে উচাতে আরোহণ করিয়া যাতায়াত করিত। প্রথম মণ্ডলের ৯২ সূক্তের চতুর্থ থাকে নর্তকী বা নর্তীর উল্লেখ আছে এবং সে সময়ে নর্তীর নানাবিধ রূপ পরিগ্রহ করিত বলা হইয়াছে। ৮৫ সূক্ত হইতে জানিতে পারা যায় যে দানশীল মরুদর্শন সোমরসপানে স্কট হইয়া বাণ বা মুরলী বাজাইতেন। ৬৬ সূক্তে প্রদীপ্ত-ফলক দিহ্যৎ বা শরের এবং ৯৯ সূক্তে অতিথি ও অতিথি-সংকারের উল্লেখ আছে। ৭৬ সূক্তে কথিত আছে যে গৃহস্থগণ অতিথির যথোচিত সমাদর করিবেন। ৬২ সূক্তে বহুবিবাহের প্রস্তাব আছে। তৎকালেও এখনকার মতন বহুপত্নী এক পতির পরিচর্যা এবং এক পতিকে ভজনা করিত। এক পুরুষের বহু স্ত্রী যে ক্রেশদায়ক তাহা ১০৫ সূক্তের ৮ থাকে উক্ত হইয়াছে। তখন এক নারীরও দুই পতির সহিত বিবাহ হইত ইহা ১১৯ সূক্ত পঞ্চম থাক হইতে অনুমিত হয়। সে সময়ে গুণরহিত ব্যক্তিকে বিবাহার্থে কন্যাদাতাকে বহু ধন দিতে হইত। কন্যা পাত্রমাং করিবার নিমিত্তও কন্যার পিতা বা মাতাকে বিস্তর অর্থ ব্যয় করিতে হইত। এখনকার ন্যায় তখনও নিগুণ পুরুষের বিবাহ বহু ব্যয়ে সম্পন্ন হইত। প্রথম মণ্ডলের ১০৮ এবং ১০৯ সূক্ত হইতে এই সকল বিষয়ের প্রতীতি জন্মে। ১০৪ এবং ১১৫ সূক্ত পাঠে স্পষ্ট বুঝিতে পারা যায় যে তখন সমাজে স্ত্রীকাম ও লম্পট লোকের অভাব ছিল না। ইহারা কুপাত্রে বিভ্র ব্যয়িত করিত এবং যুবতী স্ত্রীদিগকে লক্ষ্য করিয়া তাহাদিগকে হস্তগত করিবার জন্য তাহাদিগের অনুরাগ করিয়া বেড়াইত। তৎকালে সমাজে চোর ও দস্যুর অসম্ভাব ছিল না। প্রথম মণ্ডলের ৬৫, ১০৪ প্রভৃতি সূক্ত পাঠ করিলেই হ্রদ্বোধ

হয় যে চোর এবং দস্যুগণ নানা প্রকারে পরস্পর অপহরণ করিত। সকল সভ্য সমাজেই ইহাদের প্রাত্যহিক লক্ষিত হয়। আমরা এক জন সুপণ্ডিত ইংরাজের নিকটে শুনিয়াছিলাম যে লণ্ডন নগরে ত্রিশং সহস্র চোর আছে। ইহা সমাজের নিন্দ্যার বিষয় নহে। সমাজের উন্নতি বটিলেই, তাহার সঙ্গে সঙ্গে কতকগুলি দোষের আবির্ভাব হইয়া থাকে।

ঋগ্বেদসংহিতার প্রথম মণ্ডলের ১০৮ সূক্ত হইতে তৎকালে ব্রাহ্মণ এবং ক্ষত্রিয় জাতির অস্তিত্ব পরিষ্কার হওয়া যায়। ইহাদের মধ্যে কিন্তু আধুনিক জাতিভেদ ছিল না। ইহারা কার্যভেদে বিভিন্ন ছিলেন। এই সূক্তেই বহু, তুর্ক্বস্ব, দ্রুহা, অনু এবং পুরুষ বংশোৎপন্ন মনুষ্যদিগের অগ্নির উপাসক বলিয়া বর্ণনা আছে। শততম সূক্ত হইতে স্বাগির মহারাজের পুত্রগণ, রাজপুত্র, অক্ষরীষ, মহদেব প্রভৃতি অগ্নির উপাসকদিগের নাম জানা যায়। স্বধন্য ঋষির পুত্রগণ স্বকর্মে-বলে অমৃতত্ব প্রাপ্ত হইয়াছিলেন এবং একবৎসরান্তে সূর্য্যবৎ তেজস্বী হইয়াছিলেন। বুভুৎসিতার্থনাভের নিমিত্ত সামাজিক লোকেরা পণ্ডিতগণের পূজা করিতেন এবং তাহাদিগের অনুরাগত থাকিতেন! ১১২ সূক্তে সূর্য্যগ্রহণের কথা আছে এবং এই সূক্ত হইতে আরও বিদিত হওয়া যায় যে দুই অশ্বিনদেব অন্ধ ও পশু পরাব্রজাখ্য ঋষিকে দৃষ্টিশক্তি ও গতিশক্তি প্রদান করিয়াছিলেন। এই সূক্তে দীঘশ্রবসু নামক জনৈক বণিকের এবং মাক্রাত-নামক জনৈক ঋষির উল্লেখ আছে। ১১৫ সূক্তাংশুসারে সূর্য্যদেব স্বাবর-অক্ষমাত্মক জগতের জীবাত্মা এবং রুদ্রদেব শ্রেষ্ঠ-ভেষজ-প্রদাতা বলিয়া উক্ত হইয়াছেন। কবিবর মিল্টন সূর্য্যকে পরিদৃশ্যমান জগতের চক্ষু এবং আত্মা

বলিয়াছেন (৫)। অন্যান্য পণ্ডিতেরাও এই মত ব্যক্ত করিয়া গিয়াছেন। সূর্যের আলোক পৃথিবীতে যে কত উপকার সাধন করিতেছে তাহা বৈজ্ঞানিকমাত্রই বিজ্ঞাত আছেন। ঋগ্বেদসংহিতার প্রথমমুখ্যের অষ্টমাধ্যায়ের অশ্বিনদেবতা-বিষয়ক সূক্ত গুলি (প্রথম মণ্ডলের ১১৬, ১১৭, ১১৮, ১১৯, ১২০) অশ্বিনদেব-ব্রিত্যের ভূরি ভূরি অলৌকিক কার্য এবং লোকোপকারের সাক্ষ্য দিতেছে। এই সকল সূক্তে বাণবৎ-ক্ষিপ্ৰগামী রথ, পাদশতোপেত অশ্ব-যটক-চালিত যান, অরিত্র-শত-সম্পন্ন নৌ-যান; সুরা-স্রাবণোপযোগী চন্দ্রবেষ্টিত কারতর নামক পাত্রবিশেষ, শতকুস্ত সুরা, আয়সী জংঘা, অশ্বের দ্বারা আজি (ঘোড়দোড়) জয়, স্ববর্ণখনি প্রভৃতি নানা বিষয় উপন্যস্ত আছে। ১১৬ সূক্তে কথিত আছে তুগ্রাভিধেয় কোন রাজর্ষি দ্বীপান্তরবাসী অরিবর্গ দ্বারা অত্যন্ত উপদ্রুত হইয়া স্বপুত্র ভূজ্যকে সসৈন্যে তাহাদিগকে জয় করিতে প্রেরণ করেন। ভূজ্য রণতরী নজ্জিত করিয়া তাহাতে আরোহণ পূর্বক সমুদ্র-যাত্রা করেন। সাগরমধ্যে তাঁহার পোত ভগ্ন হইয়া যায়। তখন তিনি অনন্যোপায় হইয়া অশ্বিনদেবদিগকে স্তব করিলে পর, তাঁহারা সচেতনের ন্যায় গতিবিশিষ্ট, অন্তরীক্ষে গমনক্ষম, এবং জলের সহিত অসংস্কৃত নৌ-যান দ্বারা তাঁহার রক্ষাসম্পাদন করেন। ইহা একপ্রকার ব্যোমযান বলিয়া বোধ হয়। সায়ণাচার্য্য যান-সম্বন্ধে ঠিক বুঝিতে পারেন নাই। তিনি ইহার “ধারণক্ষম, অতিস্বচ্ছতানিবন্ধন জলোপরি গমনশীল এবং অপ্রবিক্ষোদক (যাহার মধ্যে জলপ্রবেশ করিতে পারে না এরূপ স্থল্লিষ্ট) নৌকা”

a “Thou sun of this great world both eye and soul” Pling বলিয়াছেন সূর্য্য পৃথিবীর আত্মা (animas mundi) P. L. V. 171.

অর্থ করিয়াছেন। মন্ত্রমধ্যে যাহা লিখিত আছে তাহাতে এইরূপ বুঝিতে পারা যায় যে এই নৌ-যান আকাশে গমন করিতে পারিত। ইহার গতি পর্য্যবেক্ষণ করিলে বোধ হইত যেন ইহা চৈতন্যবিশিষ্ট এবং ইহার জলের সহিত সম্পর্ক ছিল না। এই নৌ-যান বায়ু-সমুদ্রে বায়ু-প্রভাবে চালিত হইত বলিয়া অনুভব হয়। ভূজ্য অশ্বিনদেবকে প্রার্থনা করিলেন এবং তাঁহারা তৎক্ষণাৎ এই যানের সহিত তথায় উপস্থিত হইলেন। তাঁহারা অত্রি ঋষিকে শত-দ্বার-যুক্ত পীড়া-যন্ত্র-গৃহে অসুরদিগের কর-কবল হইতে পরিত্রাণ করেন। অসুরেরা অত্রিকে উক্ত যন্ত্রের মধ্যে আবদ্ধমুখভাবে প্রবেশিত করিয়া তুষানল দ্বারা বধ করিতে সযত্ন হইয়াছিল। মরুপ্রদেশে পতিত তুষাতুর গো-তমঋষিও অশ্বিনদেব-প্রসাদে পানীয় প্রাপ্ত হইয়া প্রাণ ধারণ করিয়াছিলেন। জীর্ণাঙ্গ বলী-পলিত-শোভী চ্যবন ঋষি ইহাদিগের কৃপাতে পুনর্বার যুবা হইয়াছিলেন। অসুরদিগের দ্বারা অরণ্যমধ্যস্থিত কূপে প্রচ্ছন্নভাবে রক্ষিত বন্দনঋষি ইহাদিগের অনুগ্রহে কূপ হইতে উদ্ধৃত হইয়াছিলেন। খেল নামক নরপতির বিশ্ণুলা নাম্নী মহিষী সংগ্রামে শক্রদিগের কর্তৃক ছিন্নপাদ হইলে পর রাজপুরোহিত অগস্ত্য ইহাদিগের স্তব করিয়াছিলেন। এই স্তব-শ্রীত অশ্বিনদেব রাত্রিকালে আগমনপূরঃসর রাজমহিষীর অয়োময় পদ যোজনা করিয়া দিয়াছিলেন। পৌরগণের অহিতাচরণে প্রবৃত্ত ঋজুশ্ব পিতৃশাপে নেত্র-হীন হইয়া ইহাদের অনুকম্পায় চক্ষুস্থান্ হইলেন। সূর্য্যস্বতা সূর্য্যার স্বয়ংস্বরে দেবগণ মিলিয়া এই স্থির করেন যে সকলকেই সূর্য্য অবধি আজি-ধাবন করিতে হইবে; যিনি জয়ী হইবেন অর্থাৎ সর্ব্বাঙ্গে সূর্য্যের নিকটে সমুপস্থিত হইবেন, তিনি সূর্য্যাকে

পাইবেন। এই আদ্বিতে অশ্বিনদেবের জয় হয়। ইহা আজকালের ঘোড়দৌড়ের অনুরূপ। ইহারা কাহার অক্রম, কাহার বধিবহ্ন, কাহার পশুদ্ব আরোগ্য করিয়া দিতেন। কক্ষীবানু ঋষির কন্যা ব্রহ্মবাদিনী ঘোষা কুষ্ঠিনী ছিলেন বলিয়া কেহ তাঁহাকে পত্নীরূপে গ্রহণ করেন নাই। ঘোষা বিষম্বা হইয়া পিতৃগৃহে দিবসযামিনী যাপন করিতেন। অবশেষে অশ্বিনদেবের প্রসাদাৎ তিনি নক্টকুষ্ঠা হইয়া মনোমত পতি লাভ করেন। ইহারা অশ্বরিদিগের অনিষ্টনাশন করিতেন এবং বিশ্ববাচ অশ্বরের পুত্রকে বিষপ্রয়োগ দ্বারা বিনষ্ট করিয়াছিলেন। ইহারা আর্ষ্যদিগের দৈন্য-বিমোচনে এবং আনুকূল্যবিধানে অত্যন্ত তৎপর। ইহারা উপাসকের উপকারার্থে বৃক (লাঙ্গল) দ্বারা ভূমি কর্ষণ পূর্বক তাহাতে ধান্য প্রভৃতি বপন করিতেও কুণ্ঠিত হইতেন না। ইহারা যেমন আর্ষ্যদিগের পক্ষ, তদ্রূপ অনাৰ্ঘ্যদিগের বিপক্ষ ছিলেন। ইন্দের ন্যায় ইহাদের হইতেও আর্ষ্যমাজের বিস্তার মঙ্গল-কার্য সাধন হইয়াছিল।

বৈদিক আর্ষ্যমাজে পরিধেয় বসন, উত্তরীয় বসন এবং উষ্ণীয় ব্যবহৃত হইত। ঋগ্বেদসংহিতার মধ্যে ত্রিবিধ বস্ত্রের উল্লেখ আছে। উক্ত ত্রিবিধ বস্ত্র কি প্রণালীতে ব্যবহার করা হইত তাহা এখন পর্যন্ত জানা যায় নাই। সূত বস্ত্রের প্রচলন ছিল। কেহ উষ্ণীয় বস্ত্রন করিতেন, কেহ বা শিখা রাখিতেন, কেহ বা অন্যান্য চিহ্ন ধারণ করিতেন। তখন আর্ষ্যগণ সংস্কৃত ভিন্ন আর এক প্রকার ভাষা প্রয়োগ করিতেন বলিয়া বোধ হয়। যোগবস্ত্র নিষ্পাদন এবং লিখন পঠনের নিমিত্ত তাঁহাদের ভাষা সংস্কৃত। “যজ্ঞকালে স্লেচ্ছভাষা বা অপভ্রংশ ভাষাতে কথা কহিবে না;” “যজ্ঞকালে যজ্ঞানই

ভাষাতে বাকা উচ্চারণ করিলে প্রায়শ্চিত্ত করিবে” ইত্যাদি বেদবাচ্যার্থ পর্যালোচনা করিলেই সন্দেহনম হইবে যে তৎকালে সংস্কৃতের ভাষা প্রচলিত ছিল। তাহার এতদূর যজ্ঞপরায়ণ ছিলেন যে যজ্ঞসময়ে অপভাষাপ্রয়োগ নিষেধ করিয়া গিয়াছেন। সে কালে বহুবিধ যজ্ঞের অনুষ্ঠান হইত। কখন পশুকামনা করিয়া, কখন পুত্রকামনা করিয়া, কখন ভাৰ্য্যাবাসনা করিয়া, কখন বৃষ্টি-বাঞ্ছা করিয়া এবং কখন বা স্বর্গলাভের উদ্দেশে যজ্ঞ করিতেন। বৃষ্টির প্রয়োজন হইলে কারীরী যাগের অনুষ্ঠান হইত। এই সকল যজ্ঞে নানা জাতীয় ফল মূল, যব ত্রীহি তিল মাষকলাই গোদুম প্রভৃতি কৃষ্ণপচ্য শস্য দধি ক্ষীর আমীক্ষা (ছানা নবনীত দ্বত প্রভৃতি) গব্য সামগ্রী এবং গো অশ্ব মেঘ যুগ অজ্ঞ প্রভৃতি পশুর মাংস যথাবিধি প্রযুক্ত হইত। প্রত্যেক যজ্ঞেই যে এই সকল দ্রব্য ব্যবহৃত হইত একথা আমরা বলি না। যে যজ্ঞে যেসকল দ্রব্যের বিধান ছিল, সে যজ্ঞে তাহাই প্রযুক্ত হইত। পূর্বের বলিয়াছি বৈদিক কালে পুরুষমেধ যজ্ঞ কখন কখন হইত। শুরু যজুর্বেদ সংহিতার মাধ্যন্দিনী শাখার ৪১ কাণ্ডিকায় ১৩ অধ্যায়ে নরমুণ্ড গ্রহণের এবং যজ্ঞে উহা চয়ন করিবার কথা আছে। এই নরমেধ যজ্ঞের দ্বারা যজ্ঞমান শতায়ু হইতেন, কখন বা অমৃতত্ব লাভ করিতেন (৬)। এরূপ ভয়ঙ্কর লোমহর্ষণ যজ্ঞ বৈদিক কালেই বিলুপ্ত হইয়াছিল, কারণ বিজ্ঞতম বৈদিক ঋষিগণ স্বল্পকাল মধ্যেই ইহার জঘন্যতা ও সমাজ সম্বন্ধে অপকারিতা বিশেষরূপে বুঝিতে পারিয়াছিলেন। কালীন ঋষিগণ যজ্ঞে কৃত্রিম নরমুণ্ড করিবার বিধি বন্ধন করিয়া গিয়াছেন।

৬ শ্রীযুক্ত সত্যব্রত সামশ্রমী কর্তৃক
যজুর্বেদসংহিতা।

অম্ববাদিত

পূর্বের আর্ষ্যসমাজে প্রচলিত মুদ্রা সকলের উল্লেখ করিয়াছি। ঋগ্বেদসংহিতার এক স্থলে দেখিয়াছি যে রুদ্রদেব দীপামান স্ত্রিশোভন নিকের মালা কণ্ঠে পরিধান করিয়াছেন। ঋগ্বেদ ও পানিনি-সূত্রের মতে নিক একবিধ মৌবর্ণ মুদ্রা। অতএব ইহা অনুমান করা যাইতে পারে যে তৎসময়ে আর্ষ্যগণ নিকের মালা ব্যবহার করিতেন। এফণেও মোহর বা গিনির মালা কেহ কেহ বালকদিগের কণ্ঠে পরাইয়া দেন। শতপথ ব্রাহ্মণে স্ত্রবর্ণনির্মিত শতমান নামক একপ্রকার মুদ্রার উল্লেখ আছে। মনুসংহিতানুসারে শতমান এক প্রকার রজত-মুদ্রা। স্ত্রবর্ণ-মুদ্রা ও রজত-মুদ্রা ব্যতীত কার্ষাপণ নামে তাম্র-মুদ্রারও চলন ছিল (৭)। মুদ্রা চলন যে উন্নত সমাজের একটা মুখ্য লক্ষণ তাহা পূর্বের বলা হইয়াছে। আর্ষ্যগণ যে, সমাজের কত রকম উৎকর্ষসাধন করিয়াছিলেন তাহা জানিতে পারিয়া আমরা অনুদিন বিস্মিত হইতেছি এবং সেই আর্ষ্যকুলসম্ভূত বলিয়া আমাদের গৌরবান্বিত মনে করিতেছি। আর দুই একটা প্রস্তাবে বৈদিক আর্ষ্যসমাজের কতকগুলি বিবরণ বিবৃত করিয়া, উপসংহারকালে আমরা ইহার সভ্যতার স্বরূপ নির্ণয় করিতে চেষ্টা করিব।

ক্রমশঃ।

স্বাধীনতা ও প্রাচীন ভারত।

অনেকে বলেন যে পূর্বকালে এই ভারত বর্ষে স্বাধীনতা ছিল। পরে মুসলমান রাজগণের অধিকার-কালে তাহা বিলুপ্ত হইয়া

৭ যদি বিস্মৃত না হইয়া থাকি ঐতিহাসিক রহস্যের তৃতীয় ভাগে “আর্ষ্যদিগের আচারব্যবহার” শীর্ষক প্রস্তাবে এ সম্বন্ধে কিছু বিবরণ আছে।

যায়। এই কথা নিতান্ত ভ্রমাত্মক। পূর্বের এই ভারতবর্ষে স্বাধীনতা আদৌ ছিল না। আমরা অবশ্য দেখিতে পাই যে, রাজা দিলীপ যখন বশিষ্ঠাশ্রমে যান তখন তাঁহার ধর্মপত্নী স্ত্রদক্ষিণা অনার্যুত রথে তাঁহার সহিত উপবিষ্ট ছিলেন এবং তিনি স্ত্র-ভার-বাহী ঘোষবৃদ্ধদিগকে পথপ্রান্তস্থ বন্য বৃক্ষের নাম জিজ্ঞাসা করিতেছেন। ইহা দ্বারা সহজে অনুমান হয় বটে যে স্বাধীনতা না থাকিলে প্রকাশ্য পথে স্ত্রীক রাজা দিলীপের গমন এবং অপরিচিত লোকের সহিত স্ত্রদক্ষিণার কথোপকথন কিরূপে সম্ভবপর হইতে পারে। কেবল এইটুকু কেন পুরাণাদি অনুসন্ধান করিলে এইরূপ অনেক নিদর্শন পাওয়া যায়। কিন্তু এই গুলি প্রাচীন ভারতে স্বাধীনতার প্রমাণ বলিয়া গ্রহণ করিতে পারি না। স্ত্র-রাং এস্থলে পূর্বের এই রীতি ছিল কি না এফণে তাহার বিশেষ অনুসন্ধান আবশ্যিক।

প্রাচীন ভারতের কোন প্রণালীবদ্ধ প্রাচীন ইতিহাস নাই মত্যা কিন্তু এখানকার প্রাচীন গ্রন্থ সমূহে ইহার সামাজিক অবস্থা অনেকটা হৃদয়ঙ্গম হয়। এই সমস্ত গ্রন্থের মধ্যে আমরা কেবল স্মৃতি ও পুরাণকে প্রমাণস্থলে লইলাম। কারণ স্মৃতিতে নিয়ম ও পুরাণে তাহার প্রয়োগ। কিন্তু আমরা প্রাচীনতম বৈদিক সমাজের কথা এস্থলে উল্লেখ করিতে চাই না। কারণ বৈদিক কাল আর্ষ্যসমাজের শৈশব কাল। তখন সবে ধর্মের উন্মেষ এবং সমাজবন্ধনের সূত্রপাত হইয়াছে। দস্যুদিগের ভাঙ্গিবার চেষ্টা আর্ষ্যগণের গড়িবার চেষ্টা, উভয় দলে ঘোর সংঘর্ষ। সর্বদ্বন্দ্বী শান্তি না থাকিলে সামাজিক নিয়ম প্রতিষ্ঠিত এবং তাহা নিবির্ভয়ে প্রতিপালিত হইতে পারে না। স্ত্র-রাং বেদ যদিও আমাদের বক্তব্যের বিরোধী নয় তথাচ আমরা তাহা পরিত্যাগ করিলাম। এফণে দেখিব যখন

সুদৃঢ় নিয়মে সমাজ গঠিত হইয়াছে বেদের সেই পরবর্তী সময়ে স্ত্রীস্বাধীনতার কোনও উল্লেখ পাওয়া যায় কি না।

বেদের পর স্মৃতি। বেদের সমস্ত সনাতন লোকের প্রবৃত্তিবিধান এবং সমাজ মধ্যে তাহা অব্যাহত রাখিবার জন্য এই শাস্ত্রের সৃষ্টি। এই শাস্ত্রের মধ্যে মনুস্মৃতি সর্বপ্রধান। মনু স্পর্শ্যক্রমেই বলিয়াছেন যে স্ত্রীজাতির স্বাতন্ত্র্য সর্বথা নিষিদ্ধ। মনুর এই প্রতিষেধ-বাক্যে অবশ্য অনেকে অনুমান করিতে পারেন যে ভারতবর্ষে বহুপূর্বে স্ত্রীস্বাধীনতা ছিল। কারণ পূর্ব-বিধি না থাকিলে পরে তাহার একটা নিষেধ থাকিতে পারে না। আমরা এ কথায় সম্পূর্ণ অনুমোদন করি না। নিষেধ থাকিলেই যে বিধির পূর্ববর্তিতা স্বীকার করিয়া লইতে হইবে এমন কোন কথা নাই। শাস্ত্রে এই বিষয়ে দুই প্রকার রীতি দেখিতে পাওয়া যায়, এক দৃষ্ট কোন রূপ অবৈধ কর্মের নিষেধ, আর একটি অদৃষ্ট কোন রূপ অবৈধ কর্মের কেবল মাত্র আশঙ্কায় নিষেধ, সুতরাং মনুস্মৃতিতে স্ত্রীস্বাতন্ত্র্য নিষিদ্ধ বলিয়া যে তাহার পূর্ববর্তী বিধি স্বীকার করিতে হইবে ইহার বিশেষ কোন কারণ নাই। আর যদিও স্বীকার করা যায় তাহা সমাজের কোন অবস্থায়? আমাদের অনুমান হয় যে তাহা ঘোর অপরিণত অবস্থায়। এই মনুস্মৃতি আলোচনা করিলে তাহার কতক অভাসও পাওয়া যাইতে পারে।

বোধ হয় যখন সভ্যতার অভ্যুদয় হইতেছে এবং অসভ্যাবস্থার সমস্ত অধিকার ও আচার ব্যবহার সমাজ হইতে সম্পূর্ণ তিরোহিত হয় নাই সেই সময়ে মনুস্মৃতির স্তপ্তপতি এই কথা সপ্রমাণ করিবার জন্য আমরা সঙ্কেপে মনুর দুই একটি স্থল দেখাইয়া দেই। ইহার এক স্থলে আছে 'স্বাগৃচ্ছুদস্য

কেদারঃ অর্থাৎ যে ব্যক্তি জঙ্গল কাটিবে তাহারই ক্ষেত্র। এইটো কোন সময়ের অধিকার? আমাদের বোধ হয় অপেক্ষাকৃত পূর্ণ সভ্যাবস্থায় কৃষি অধিকার থাকে না। কিন্তু যখন গৃহাভাবে লোকের বাদৃষ্টিক পর্যটন নিবৃত্ত হইয়াছে, কৃষি বাণিজ্যের সূত্রপাত হইতেছে এবং বিবাহ প্রথা প্রচলিত হইয়া লোকে-গৃহী হইতেছে সেই অবস্থারই এই অধিকার। এতদ্ব্যতীত আরও একটি স্থল দেখাই। মনুতে আট প্রকার বিবাহের মধ্যে পৈশাচ বিবাহ গৃহীত হইয়াছে। আমাদের স্পর্শ্যক্রমে অনুমান হয় যখন সমাজের অসভ্য অবস্থার স্ত্রীসংগ্রহের জন্য পরস্পর দান্দ্য হাঙ্গাম হইত, যখন কন্যাদান-প্রথা প্রচলিত হয় নাই এইটি সেই সময়কার ব্যবহার। মনুর সময়ে অবশ্যই অপেক্ষাকৃত সভ্যতার স্ত্রীবৃত্তি হইয়াছিল কিন্তু স্ত্রীসংগ্রহের জন্য এই পৈশাচিক ব্যবহার তখনও বিলুপ্ত হয় নাই। মনু এইটি কৃষি-বার বুঝিয়াই আট প্রকার বিবাহের মধ্যে 'অধম' পৈশাচ বিবাহ বিধিবদ্ধ করিয়া গিয়াছেন। এতদ্ব্যতীত আরও কতকগুলি স্থল আছে যদ্বারা স্পর্শ্যক্রমে প্রমাণ হইতে পারে যে মনুস্মৃতি সভ্য ও অসভ্যাবস্থার সন্ধিস্থলে প্রণীত হইয়াছে। যদি স্ত্রীস্বাধীনতা মনুর পূর্বে প্রচলিত ছিল ইহা স্বীকার করা তবে তাহা অন্ধকারের অবস্থায়, এক প্রকার অসামাজিক অবস্থায়। কেবল ভারতবর্ষে কেন এরূপ অবস্থায় সকল দেশেই স্ত্রীস্বাধীনতার স্বাধীনতা থাকিবার কথা।

মনুতে তো স্ত্রীস্বাধীনতার স্পর্শ্যক্রমে নিষেধ আছে কিন্তু রামায়ণ ও মহাভারত প্রভৃতি মহাকাব্য ও পুরাণে ইহার কোন রূপ স্মরণ আছে কি না এফণে তাহাই স্পষ্ট করি। বেদাদি শাস্ত্রে ধর্ম এবং যে সমস্ত সনাতন চারের উল্লেখ আছে এই সমস্ত গ্রন্থে

প্রদশ্বে তাহাই বিবৃত হইয়াছে। রামায়ণ অবশ্যই মহাভারতের পূর্ববর্তী কিন্তু এখানে আমরা বক্তব্য বিষয় স্তম্ভ হইবার জন্য মহাভারতকেই অগ্রে ধরিলাম। এই গ্রন্থ আমাদের জাতীয় একটা প্রকাণ্ড সাহিত্য। ইহার সমগ্র অংশ পর্যালোচনা করিলে বোধ হয় যে ইহা এক হস্তের সৃষ্টি নহে। যখন ষাঁহার ইচ্ছা হইয়াছে তিনি স্বীয় রচনা ইহাতে সন্নিবেশিত করিয়া গিয়াছেন। তাহার ফল মহাভারতে নানা রূপ বৈষম্য। ইহার মধ্যে অতি পূর্বের এবং তৎকাল-প্রচলিত সামাজিক ব্যবহারের একটা ঘোর মিশ্রণ দেখিতে পাওয়া যায়। এখানে তাহার দুই একটি মাত্র স্থল উল্লেখ করিতেছি। মহাভারতের কালে ধর্মোৎপাদ্য সভ্যতার শ্রীবৃদ্ধির সহিত লোকব্যবহার সম্পূর্ণ নিয়মিত হইয়াছে। কিন্তু আমরা দেখিতেছি ইহাতে একটা স্ত্রীর পাঁচটা স্বামী। বোধ হয় এই ব্যবহার অতি প্রাচীনতম কালে এই ভারত-বর্ষে প্রচলিত ছিল। বৈদিক কালে দেখিতে পাই পাঁচ সূচিয়া দুই তিনটিতে নামিয়াছে। আর এখনও এখানকার আদিম অধিবাসী কোন কোন অসভ্য জাতির মধ্যে এই কুরীতি দৃষ্ট হইয়া থাকে। ফলত ইহা কোন ধর্ম্য ব্যবহারই অনুমোদিত নহে। কিন্তু কবি এক স্ত্রীর পঞ্চ স্বামী এইটি ধর্ম ও লোকবিরুদ্ধ হইলেও এক মাতৃআজ্ঞার দোহাই দিয়া ইহার দুষণীয়তা দূর করিয়াছেন। দ্বিতীয় বিলোম বিবাহ। ব্রাহ্মণ ক্ষত্রিয়-কন্যাকে বিবাহ করিতে পারিতেন কিন্তু ক্ষত্রিয় ব্রাহ্মণ-কন্যার পানিগ্রহণ করিতে পারিত না কিন্তু মহাভারতে ইহার বৈপরীত্য দৃষ্ট হইয়া থাকে। তৃতীয়ত সহমরণ। পাণ্ডু রাজার দুইটি পত্নী ছিল। কিন্তু পাণ্ডুর মৃত্যু হইলে জ্যেষ্ঠার অধিকার সত্ত্বে কনিষ্ঠাই সহমৃত্যু হন। ইহাও শাস্ত্র ও

লোকবিরুদ্ধ। বোধ হয় ইহা এখানকার একটি প্রাচীনতম ব্যবহার। যখন জ্যেষ্ঠ কনিষ্ঠের গণনা ছিল না সেই সময়ে ইহা প্রচলিত ছিল। এদিকে গ্রন্থের নায়ক প্রতিনায়ক প্রভৃতি যতগুলি পাত্র আছে কবি তাহাদিগের চরিত্র ধর্ম ও শাস্ত্রজ্ঞানে তাৎকালিক সমাজের অনুরূপ করিলেন। পরে তাহাদের জীবনে এমন সমস্ত ঘটনা আনিয়াছেন যাহা সেই সকল চরিত্রে একটি ঘোর বৈসাদৃশ্য প্রদর্শন করে। মহাভারতে এমন অনেক ঘটনা আছে যদ্বারা স্পষ্টই বোধ হয় যে সেই সমস্ত মহাভারতের সাময়িক ঘটনা নয়। কিন্তু কবি তাৎকালিক বলিয়া এই গ্রন্থে তৎসমুদায় সন্নিবেশিত করিয়াছেন। এক্ষণে আমরা যাহা বলিতে চাই মহাভারত যদিও তাহার বিরোধী নয়, যদিও ইহাতে অবরোধ-প্রথার ভুরিভুরি নিদর্শন আছে তথাচ মহাভারতকে এক এই কাল-বৈষম্য-দোষে উপহত বলিয়া একটা সামাজিক ব্যবহারের প্রমাণস্থলে আনিতে সাহসী নহি।

এক্ষণে রামায়ণ। এই গ্রন্থ কেবল ভারতবর্ষকে নয় সমস্ত পৃথিবীকে লোক-ব্যবহার শিক্ষা দিতেছে। গুণের যা কিছু উৎকর্ষ, মনুষ্য-সমাজের বা কিছু সার তাহাই এই মহাকাব্যের প্রাণ এই গ্রন্থ প্রণয়ন কালে যুদ্ধ বিগ্রহাদি কোন কোন বিষয়ের বর্দিচ তাদৃশ উন্নতি হয় নাই, কিন্তু ধর্ম-নীতি দ্বারা মনুষ্য-সমাজ যতদূর উন্নত হওয়া সম্ভব আমরা ইহাতে তাহারই নিদর্শন পাই। স্তত্রাং প্রাচীন ভারত যে কি ছিল এই গ্রন্থ তাহার একটা অবিসম্বাদিত প্রমাণ। আমরা ইহা আলোচনা করিয়া দেখিতে পাই যে পূর্বকালে এই ভারত-বর্ষে স্বীস্বাধীনতা ছিল না। এক্ষণে এই গ্রন্থ হইতে দুই একটি স্থল উদ্ধৃত করি-

তেছি, ইহা দ্বারা আমাদের কথা সপ্রমাণ হইবে।

রাবণ রামের শরে বিনষ্ট হইলে মন্দোদরী সপত্নীগণের সহিত রণস্থলে উপস্থিত হইয়া সজল নয়নে কহিতেছেন “রাজন, আমি অবগুণ্ঠিত না হইয়া নগরদ্বার হইতে নিক্রান্ত এবং পদব্রজেই এখানে উপস্থিত হইয়াছি, ইহা দেখিয়া কি তুমি ক্রুদ্ধ হও নাই। এই দেখ তোমার পত্নীগণের লজ্জাবগুণ্ঠন স্থলিত এবং ইহারা অন্তঃপুর হইতে নিক্রান্ত হইয়াছে; তুমি ইহাদিগকে বহির্গত দেখিয়া কি ক্রুদ্ধ হও নাই।” রামায়ণের এই অংশ আলোচনা করিলে বোধ হয় যে তখনকার স্ত্রীলোক সর্বদা অন্তঃপুরে রুদ্ধ থাকিত এবং পরপুরুষে তাহাদের মুখ না দেখিতে পার় তজ্জন্য লজ্জাবগুণ্ঠন ধারণ করিত। আর এই অবরোধ-প্রথা তখন এত প্রবল ছিল যে পুরুষ স্ত্রীলোককে কখন অনবগুণ্ঠিত ও বহির্গত দেখিলে অমনি রুষ্ট হইত। রামায়ণের এই অংশ অনার্য্য রাক্ষস জাতির ব্যবহার বলিয়া উপেক্ষিতও হইতে পারে কিন্তু আমরা এই বিষয়ে শিষ্ট-ব্যবহারও দেখাইতেছি। রাবণ-বধের পর বিভীষণ রামের আদেশক্রমে জানকীরে শিবিকায় আরোপণ পূর্বক রামের সেনানিবশে উপস্থিত হইলেন এবং তাঁহাকে শিবিকা হইতে অবরোধও রামের নিকট আনয়ন করিবার জন্য তত্রত্য সমস্ত ব্যক্তিকে তফাৎ করিয়া দিতে আদেশ করিলেন। তখন কঙ্কুধারী উষ্ণীষশোভিত স্ত্রত্যেরা বেত্রহস্তে যোদ্ধৃগণকে অপসারণ পূর্বক চতুর্দিকে পরিভ্রমণ করিতে লাগিল। “বানর ভল্লুক ও রাক্ষসগণ উৎসারিত হইয়া গাত্ৰোথান পূর্বক দূরে চলিল। এই উৎসারণার সময় বায়ুবেগক্ষুভিত সমুদ্রের গভীর গর্জনের ন্যায় একটা মহা কলরব উত্থিত

হইল। তখন রাম সৈন্যগণের অপসারণ এবং তরিনক্ষন সকলকে তটস্থ দেখিয়া দ্বারস্থ স্বভাব হেতু তাহা নিবারণ করিলেন এবং অমর্গ ভরে ও রোষ-প্রদীপ্ত চক্ষে বিভীষণকে যেন দগ্ধ করিয়া তিরস্কার-বাক্যে কহিলেন, তুমি কি জন্য আমার উপেক্ষা করিয়া এই সমস্ত লোককে কষ্ট দেও? ইহাদিগকে উদ্ভিন্ন করিও না, ইহারা আমারই আত্মীয় স্বজন। গৃহ, বস্ত্র ও প্রাকার স্ত্রীলোকের প্রকৃত আবরণ নয়, এইরূপ লোকাপসারণও স্ত্রীলোকের প্রকৃত আবরণ নয়, ইহা রাজ-আড়ম্বর মাত্র, বস্ত্র চরিত্রই স্ত্রীলোকের আবরণ। আরও বিপত্তি, পীড়া, যুদ্ধবটনা, স্নয়ংবর, বজ্র ও বিবাহের সময় স্ত্রীলোককে দেখিতে পাওয়া দুর্ঘনীত্ব নহে। এক্ষণে এই সীতা বিপদস্থ, অত্যন্ত কষ্টে পড়িয়াছেন, এরূপ অবস্থায় বিশেষত আমার নিকট ইহাঁকে দেখিতে পাওয়া দোষাবহ হইতে পারে না। অতএব তিনি শিবিকা ত্যাগ করিয়া ব্রজেই আসুন। এই সমস্ত বানর সমীপে তাঁহাকে দেখুক।

বিভীষণ রামের এই কথা শুনিয়া সান্নিহান হইলেন এবং বিনীত ভাবে রামের নিকট জানকীরে আনিতে লাগিলেন। লক্ষ্মণ স্ত্রীগ্রীব ও হনুমান রামের এই সমস্ত শুনিয়া যার পর নাই দুঃখিত হইলেন। তৎকালে জানকী লজ্জায় স্বদেহে মিশাইয়া যাইতেছেন, বিভীষণ তাঁহার পশ্চাৎ গিয়া তিনি রামের নিকট আগমন করিলেন। অতি পূর্বকালে এই ভারতবর্ষে এই স্বাধীনতা ছিল না রামায়ণের এই অংশ তাহার সুস্পষ্ট প্রমাণ। তখন স্ত্রীলোকের রোধ-প্রথাই প্রচলিত ছিল, তখন প্রাচীরের মধ্যে অবরুদ্ধ থাকিত। স্বেচ্ছাক্রমে পরপুরুষের নিকট বাতির হইত না। রাম যখন বিভীষণকে পাঠ্য ও লো

ব্যবহার উল্লেখ করিয়া জানকীরে পদব্রজে আনিবার আদেশ করিলেন তখন বিভীষণ চিন্তিত এবং লক্ষ্মণ প্রভৃতি সকলেই দুঃখিত হইলেন। ইহারই বা কারণ কি? না, রাম পূর্ব-পরম্পরাগত ব্যবহারে উপেক্ষা করিয়া সর্বসমক্ষে স্ত্রীকে বাহির করিতে প্রবৃত্ত হইয়াছেন স্ত্রীরাং তিনি স্ত্রীপরিতাগে উদ্যত; এই বুঝিয়াই উহাদের চিন্তা ও দুঃখ উপস্থিত হইয়াছিল। কারণ মনুষ্য একটা কোন বিশেষ ভাবে পরিচালিত না হইলে সহস্রা চিরন্তন রীতি পরিতাগ করিতে সাহসী হয় না। আরও রামকে সর্বসমক্ষে স্ত্রী বাহির করিতে যে এত শাস্ত্র ও যুক্তি দেখাইতে হইল ইহার হেতু এই যে তিনি পরম্পরাগত ব্যবহারের অন্যথাচরণ করিতেছেন, শাস্ত্র ও যুক্তি দ্বারা ইহার দুষণীয়তা দূর না করিলে লোকে তাঁহার নিন্দা করিবে। যাই হোক পূর্বকালে স্ত্রীলোক যে সর্বদা অপরূপ থাকিত রামের এই বাক্য তাহার প্রমাণ, তবে ধর্ম্ম স্বয়ং-বর প্রভৃতি কতকগুলি কারণে তাহার বাহির হইত। এই চিরন্তন ব্যবহার এখনও এতদেশে প্রচলিত আছে। দেশব্যাপী দুর্ভিক্ষের সময় সহস্র সহস্র কুলস্ত্রী বাহির হইয়া যথেষ্ট বিচরণ করিয়া থাকে। তীর্থপর্যটন প্রভৃতি নানারূপ ধর্ম্মকার্যে স্ত্রীসম্রান্ত গৃহস্থ কন্যারাও বাহির হন! এক্ষণে এই স্থানে রামের একটি কথা ব্যাখ্যা করা আবশ্যিক। তিনি বলিয়াছেন যে ভর্তৃসমীপে স্ত্রীলোক বহুজন-সমক্ষেও বাহির হইতে পারে, ইহাতে দোষ নাই। রামের এই বাক্যের এমন অর্থ নয় যে পূর্বে ভর্তার সহিত স্ত্রীলোক যথা ইচ্ছা বাহির হইত। আমরা দেখিলাম জানকী ভর্তার নিকট আসিবার কালে বহুজন-সমক্ষে লজ্জায় যেন নিজের গায়ে মিশাইয়া গেলেন। জানকীর এই স্ত্রীজনোচিত লজ্জা দেখিয়াই বোধ হয় যে স্ত্রীলোকের বহুজনসমক্ষে

ভর্তৃসমীপে বাহির হওয়া যদিও শাস্ত্রসম্মত ছিল কিন্তু ইহা বিশেষ আবশ্যিক স্থলে। কুলস্ত্রীগণ ইহাতে লজ্জাই অনুভব করিতেন।

সকল কার্যেরই এক একটি নিয়ম থাকে না, কিন্তু কতকগুলি এমন নিয়ম থাকে যে অনেক কার্য সেই একই নিয়মের অন্তর্ভুক্ত। অর্থাৎ একটা নিয়ম ধরিয়া অনেক কার্যের বৈধতা বুঝিতে হয়। আমরা দেখিতে পাই পূর্বে ঋষিকন্যারা বিদ্যা-র্থিনী হইয়া দেশবিদেশ পর্য্যটন করিত। ক্ষত্রিয়ারা রঙ্গ-ভূমিতে বশিয়া পুত্রাদির অস্ত্রপরীক্ষা দেখিত। সকল বর্ণের স্ত্রীপুরুষ বসন্তোৎসবের জন্য উদ্যানে নি-র্বির্দেশে মিলিত হইত। এইরূপ সমস্ত কার্যই এক মূল ধর্ম্ম-নিয়মের অন্তর্গত। কারণ অধ্যয়ন অধ্যাপন ধর্ম্ম, ধনুর্বেদ-শিক্ষা ধর্ম্ম এবং উদ্যানে বসন্ত-মহোৎসবের অনুষ্ঠানও ধর্ম্ম। এই উৎসবে গন্ধ পুষ্প ও নানা রূপ খাদ্যসামগ্রী দ্বারা অনঙ্গদেব অর্চিত এবং পতিদেবতা পূজিত হইতেন। অনপত্য দিলীপের সস্ত্রীক গুরুগৃহে গমন এই ধর্ম্মের অনুরোধ, ব্রতচর্চার অনুরোধ। তৎকালে যাগযজ্ঞ প্রভৃতি ধর্ম্মকার্য, বিবাহ, যুদ্ধ ও কৃচ্ছকাল প্রভৃতি কএকটি উপলক্ষে স্ত্রীলোক সর্বসমক্ষে বাহির হইত। ধর্ম্মপ্রাণ ঋষিরা স্ত্রীজাতিকে পক্ষীর ন্যায় পিঞ্জরবদ্ধ করিয়া রাখেন নাই কিন্তু তৎকালে ধর্ম্মাদির অনুরোধ ব্যতীত এখনকার ন্যায় কেবল একটা তুচ্ছ আয়োদ প্রমোদের জন্য স্ত্রীলোক বাহির হইত না। কোথাও দ্বাদশ বার্ষিক যজ্ঞ হইতেছে স্ত্রীলোক সকল তথায় উপস্থিত থাকিয়া যজ্ঞের আয়োজন করিয়া দিত। বিবাহ হইতেছে পুরস্কী আসিয়া সর্ব-সমক্ষে পাত্র কন্যার গ্রন্থিবন্ধন করিয়া দিত। এই সমস্ত সভ্যতম প্রাচীন ব্যবহার স্ত্রী-স্বা-

ধীনতার প্রমাণ নহে। যেখানে অন্তঃপুর ও স্ত্রীর নামান্তর অবরোধ সেখানে স্ত্রীস্বাধীনতার প্রমাণ অন্বেষণ করাই বিড়ম্বনা। যাহারা সূর্যকেও দেখিতে পাইত না তাহার মূলে বায়ুতে যথেষ্ট বিচরণ করিবে ইহা কি সম্ভব? তখনকার এই অবরোধ দুর্বলের উপর নির্বাতন নহে, অনুদার সমাজের পুরুষ জাতির সর্ব্বংকষ প্রভুশক্তির বাদৃচ্ছিক বিলাসও নহে, তখন স্ত্রী ও স্ত্রী নির্বিশেষে সমাদৃত হইত, স্ত্রীজাতির ভূষ্টি দেবতার ভূষ্টি বলিয়া অনুমিত হইত। ইহা তাহাদের প্রতি অকৃত্রিম ভক্তি ও আত্যন্তিক মৰ্যাদারই কার্য।

এই অবরোধ-প্রথা বহুকাল হইতে সমস্ত ভারতবর্ষে প্রচলিত ছিল। পরে যখন মুসলমানের আধিপত্য মে সময়ে এই প্রথা রক্ষা করিবার একটা দৃঢ়তর যত্ন ও চেষ্টা হয়। আজিও যে কোন কোন প্রাচীন অন্তঃপুরে বায়ুসঞ্চারের পথ পর্য্যন্তও নিরুদ্ধ দেখা যায় তাহা এই মুসলমান রাজত্বেরই প্রভাব। এই সময়ে আরাধ্য দেবতার পবিত্রতার ন্যায় স্ত্রীলোকের পবিত্রতা অতি যত্নে ও সাবধানে রক্ষিত হইত। এই সময়েই লোকে এই চিরাচরিত প্রাচীন প্রথার বিশেষ উপকারিতা অনুভব করে।

উপসংহারে আর একটা কথা বক্তব্য আছে। অনেকে মহারাষ্ট্রীয়দিগের মধ্যে স্ত্রীস্বাধীনতা দেখিয়া অনুমান করেন যে ইহাই এই ভারতবর্ষের চিরাচরিত প্রাচীন রীতি। আমরা একথা ভ্রমসঙ্কুল মনে করি। মহারাষ্ট্রীয় স্ত্রী কি কারণে স্বাধীন আমরা ইহা স্ত্রীশিক্ষা ও স্ত্রীবিদ্যালয়ে স্ত্রীনিবাস শিরস্ক প্রস্তাবে একরূপ বলিয়াছি। পুনর্বার সংক্ষেপে এখানেও বলা আবশ্যিক হইল। মহারাষ্ট্রীয় পুরুষ বীরভাবে পুষ্টি ছিল। যুদ্ধ-বিগ্রহের জন্য ইহাদিগকে সততই নানাস্থানে পর্য্যটন

করিতে হইত। এই অবস্থায় মহারাষ্ট্রীয় স্ত্রীলোকদিগকে সমস্ত সামসারিক কার্যের অনুরোধে আত্মনির্ভর করিতে হয়। খাদ্য-সংগ্রহ, স্বহরক্ষা, লৌকিকতা প্রতিপালন প্রভৃতি যাবতীয় গার্হস্থ্য ও সামাজিক কার্য স্ত্রীলোকেই নির্বাহ করিত। পুরুষের প্রযত্ন-সাধ্য কার্য স্ত্রী-হস্তে পড়িলে কাজেই স্ত্রীলোকের অন্তঃপুরবাস অসম্ভব হইয়া উঠে। এই কারণে মহারাষ্ট্রীয়দিগের মধ্যে স্ত্রীস্বাধীনতার সৃষ্টি। ইহা চিরাচরিত হিন্দুরীতি নয়। উপযোগিতাই ইহার প্রবর্তক। যদি শাস্ত্র ধরিয়া বুঝিতে হয় তাহা হইলে বলিব, যুদ্ধাদি আপদ কালই ইহার প্রবর্তক। পরে কোন ব্যবহার কিছু দিন অবাধে চলিয়া গেলে রাজশাসন ব্যতীত তাহা প্রায়ই নিরোধ করা যায় না। এই জন্য মহারাষ্ট্রীয় স্ত্রী আজিও স্বাধীন; না বুঝিয়া ইহাকে হিন্দুরীতি বলিয়া নির্দেশ করা যার পর নাই অন্যায়ে।

প্রাপ্তি স্বীকার।

মদিরা। আমরা কৃতজ্ঞতা সহকারে স্বীকার করিতেছি যে এই পুস্তক খানি উপহার প্রাপ্ত হইয়াছে। ইহা বারু ভুবনেশ্বর মিত্র প্রণীত এবং ইহার মূল্য ১ টাকা।

বিজ্ঞাপন।

তত্ত্ববোধিনী পত্রিকার অগ্রিম বার্ষিক মূল্য ৩ পঞ্চাংদের বার্ষিক মূল্য ৪।০ ডাক মাসুল ১।০।

আগামী ৯ আষাঢ় বুধবার রাত্রি ৭।০ ঘটিকার সময় ভবানীপুর ব্রাহ্মসমাজের উনত্রিংশ সারিক উৎসব হইবেক।

শ্রী শ্রীশচন্দ্র চৌধুরী।
সম্পাদক।